

فی ۶ ذی القعدہ سنہ ۳۲۶ و فی ۱۷ تشرین ثانی سنہ ۳۲۴

جمعیت علمیہ اسلامیہ نیک ناشر افکاریدر

مدیر مسئول

محمد فطین

سر محرر

فاتح مجیز درسعاملرندن

مصطفی صبری

صاحب امتیاز

فاتح مجیز درسعاملرندن

شہری احمد افندی

مندرجات

اجتماعیات	علوم اسلامیہ حمدی
اسلام قادیانری ومودہ حاجہ فاطمہ مرغوبہ	ترقی خلیل ادیب
سیاسیات	انسانلرک بر قانونہ احتیاجی محمد طاف
شرق بحرانی واسباب حقیقیہ سی	عروۃ الوثقی محمد علی
زبدۂ سیاسیات	بر مکتوب قرہ حصار مفتی سی مصطفی حاصم
قرعہ امتحانلری جداولی	ادبیات
جوابلر	مدرسہ « شہر » ع . طاف
سؤاللر	

نسخہ سی ۵۰ پارہ در

آبونہ اجر تی

ولایات ایچون

۸۵ غروش

» ۴۵

ممالک اجنبیہ ایچون

۱۸ فرانق

» ۹.۵

استانبول ایچون

برسنہ لک ۷۵ غروش

القی آیلغی ۴۰ »

درج ایدلمیان اوراق اعادہ اولتماز

قارئلر مزہ :

اکثر مقالاتہ آیات کریمہ واحادیث نبویہ درج ایدلمش بولندی نظر اعتبارہ آلنہرق رعایتسزلکده بولنلمامسی

رجا اولنور .



دینی، ادبی، سیاسی، فنی بازار ایتسی کونلری نشر اولنور هفته لک غزته در

علوم اسلامیة
(مابعد)

بورایه قدر سرد ایتدی کمز مباحث علوم اسلامیة نك مأخذ و مقصدی حقنده بر فکر مجمل حاصل ایده بیلمك ایچون بسط ایدلش ایدی. شمدی مقصده شروع ایده لم. مأخذی کتاب کائنات ايله کتاب خطاب اولان علوم اسلامیة نك شعبات شتایی بر مقصده، سعادت انسانیه مقصده اشتراك ایدر که دین حقک غایت حکمتی دخی بوندن عبارتدر.

معلوم اولی النهی اولدینی اوزره سعادت هر انسانک اقصادی آمالدر. فقط سعادت بر مفهوم کلی، بر معنای شاملدر. طرفه العینده کلوب کچن بر صفای روحانی

و یا جسمانی به اطلاق اولنه بیلدیکی کبی نامتناهی بر نعمت ابدیه یه ده صادق اولور. سعادت فانیه، سعادت ابدیه دیه یاد اولنور. بعض انسانلر سعادت ابدیه یی دوشونه مدکرندن سعادت فانیه یی اخص مقاصد طامیشلر. بعضلری ایسه سعادت ابدیه یی انجق نوع انسانیه منحصر ظن ایدر که افرادک ابدی بر سعاده نائل اوله بیله جکی اعتقاد ایده مه مشلدر.

اولکیلره کوره سعادت انسانیه بر انسانک مدت عمرنده نائل اوله بیله جکی نعم دنیویه دن بشقه برشی اولیوب بوکا نظراً انسانلرک کندیلردن صوکره یه قاله جق آثار خبریه یه چالشملری عادتاً عبث اولمسی لازم کلیر. قوم، بر ملت بلکه جمعیت بشریه نك شخص معنویلری. بوکا قیاس ایدلسون.

ایکجه ییلره کوره ده نوع انساننک عالمده ابدی بقاسنی اعتقاد ایدن بر شخص کندی نك ابدیتی، زوالدن مصونیتی ادما ایدمه جک قدر اولسون شعوره مالک ایسه منافع و سعادت عمومیه ایچون نه یه چالیشه جق؟ چالیشه جقه التزام ایده جکی فدا کارلره بذل ایده جکی طاقت شکن اجتهادلردن عجبانه فائده اومه جق نوع بشر ایچون ایکی بوز، اوچویز سنه صکره تحصیل ایده جک بر منفعت بتون حیاتی، جانی فدا ایدرک چالشمسینه مقابل کندیسنه ذره قدر بر حصه چیمیه جقنی اعتقاد ایدرکن اوقدر همت عالییه یی فصل ونه حسله صرف ایده جک...

مساعی انسانیه دائماً «کیملر قازانیر کیملر بر» مثلی حکمنه توفیقاً جریان ایده جک اولورسه «نفس مقدمدر» قضیه سی هر طورینک مدلولی اولان جبلت انسانیه نك هممات عالییه سنه عجبانه سبب معقول بوانه بیله جک...

شوخالده هر انسان کندیسنه مخصوص بر سعادت ابدیه امیدیه متحسس اولوب فقط علی الاکثر حکم اعتقادیسی حس طبیعینک خلافته اولدینی بیله میور. حاصلی افکار عالییه بشریه یی تهیج و تنویر ایدن شی انسانلرک سوق طبیعیلره وجودینه قائل اولوب بالطبع بعد الممات اولمسی ضروری بولسان سعادت ابدیه درکه افراد انسانیه ایچون سعادت ابدیه نك امکانشز لفته قائل اولمقدن بیوک بلاهت اوله من.

ایشته دین حق سعادت حقیقه یی اخبار و شرح ایدوب انسانلرک عالم مجازات اولان دار آخرته هاند بسله مش اولدقلری و لکن غافل بولندقلری حسیات طبیعیه یی اعلان و تفهیم ایدر.

بناءً علیه دین اسلامک ایصال ایده جکی غایت حقیقه سعادت ابدیه در. سعادت ابدیه ایسه (الدنیا مزرعة الآخرة) مقتضاسنجه اسبابی دنیاده اکتساب ایدیه بیله جک بر نعمت بوده حیات دنیویه نك انتظام

جریایله ممکن بر کیفیت اولدیفندن سعادت دنیویه - ولو مقصود بالغیر اولسون - مقاصد دینه عدادینه کیرمش و سعادت ابدیه حوائج اصلیه انسانیه ايله تمثلی ایدیلرسه سعادت دنیویه استحصال حوائج ایچون مدار یکانه اولدیفندن دولایی سودیکمز پاره مثابه سنده بولنشدر.

دین اسلامک غایه سی سعادت دارین اولجه علوم اسلامیة نك موضوع و غایتی ده منسوب الیه یی متناسب اوله جفندن علوم اسلامیة بحارای طبیعیه سیله بر منصبه دوکمشدر که (علم فقه) اسم شرفی ايله یاد اولنمده بولنش و بو سببیه (من یردالله به خیراً یفقه فی الدین) شرف وارد اولمشدر.

«فقه» امام اعظم و هام افخم اقدم من حضرت تلمینک لسان حقیقت بیان تایلرندن «معرفة النفس مالها وما علیها» جمله سیله تعریف بیورلمشدر.

یعنی؛ نفس انساننک کندیسنه نافع و یا مضر اولان شیلری، سعادت حقیقه سی اسبابی تسامیه بیلمسی و یا بیله بیلمسی و یا بیله بیلمسی ایچون موضوع اولان قواعد کایه می دیمکدرکه اولا اوچ قسمه آیریلیر.

۱ - علم واعتقاده هاند اولان شیلدرکه بو قسمنه فقه اکبر، علم عقائد، علم توحید، علم کلام تسمیه اولنور. ۲ - اعمال و افعاله هاند اولان قسمیدرکه بوکاده ساده جه «فقه» نامی ویریلیر.

۳ - اخلاق و وجدانیاته هاند اولان قسمیدرکه بوکاده علم تصوف تعبیر اولنور.

عالم انسانک بالجمله افعال و حرکاتی، افکار و آمانی بر مرکز اصلی، بر هدف حقیقی به ربط و دائماً بر جهت وحدنده جمع ایدرک غایه حکمتک کثرت دکل وحدت اولدینی تعلیم ایدن و بصورتله اختیار و اراده جزئییه لرینی، تشبث شخصیلرینی اساس طوته رق جمعیت متفرقه بشریه یی بر واحد اساسیه دعوتله اتحاد مدنی به سوق ایلین و نظام مالک ذره لردن جسملر، جسملردن کرملر، کرملردن منظومه لر، منظومه لردن بر عالم کلی حاصل

اولمسی قانوندن عبارت بوالدینگی بیلدیرن دین اسلام علوم عالمی ده (فقه) جهت وحدتی آلتنده جمع ایلمش و (العلم نقطه کثرها الجاهلون) سربنی اظهار ایلمشدر. عصر اخیرده عادتاً نامتناساهی کی برحاله کلن علوم وفنون عالمک هر بریسی بر حاده کایه دن کچریلرک شعبات ثلثه مذکور می حاوی علم فقه خدمت ایتمک حیثیتسنده اولدینی ایچون جهان علم و فن ترقی ایتدیجه حقائق اسلامیة تمحلی ایدمکلمش ومع انتاسف غایه معرفتی، حقیقت سعادتکی تکلیفات الهیه قیودی آلتنده کیزلهمش اولمسندن دولایی شهوت پرستان بشرک آمال بهیمیه و افکار شیطانیلرینه ناملایم کورنمش بولمسنه مبنی علوم اسلامیة اخلاق فاضله اسلامیة کی لایق اولدینی احترامی کوره. مامش و (تؤمن ببعض و نکفر ببعض) مؤداسنه مظهر اولمقده بولمشدیر.

اغیار معذور کورلسه بلکه بجادر. بیلیم که یاره نه اولمش! دین دینلجه نفی و اثبات بیننده بر اینسانمقدن عبارت امر وجدانی دیرک اصول وفروع احکام دینییه صحیفه عالمدن سیلمکله متسلی اوله بیلجک افکار سخیفه اربابنک - وارسه - جهالتدن بشقه برشی ایله تأویلی قابل اولیان مستندلری، احکام اسلامیه، احکام روحانیه تلقی ایتمکده کی تعصبلری کندیلر. ینک اولسون. اولر استعجال ایتمسونلر. مسلمانلره کوره قیامتدن اولجه برکون کله جک که بولمده آنلرک فکری ایلری کیده جک. دنیا دینسز لکله طوله جق مخبر صادق رسالت بونی ده خبر ویرمش. بوخبری کندی فکر لرلنجه برتبشیر تاقی ایدر لرسه هیچ اولمزرسه بو معجزه محمدیه قبول ایتمسونلر. فقط بونلر فکر. لرینک اخبار بیغمبریه توافقی صورنیله حیز حصوله کلشنی ده آرزو ایتمسونلر. بز بیامورز که کون ارنلرک اولنجه قیامت قویا جق. قیامت قویارمق ارزومز اولمده. ییچون اولنری سوزده قاتمی ایستهمیز. بز قیامتک قویه جغنی خبر بیله آلسه باغچه سنه

دیگمکده اولدینی فده بی بنه دیکوب بیزمکله، دائماً عمل صالحه سنی ایلمکله مکلف اولدینی بیان، مادی، معنوی روحانی، جسمانی هر درلو سعادتکی دیننده طانیان ارباب دینه تأسف ایدم که اولنرده منسوب اولدقاری دینک قیمتی بیلیمه مش علماً، عملاً، اخلاقاً بر سوبده تنزل ایلمشدر. یوزلرجه سنه لردن بری علوم اسلامیة قارشی لاقید طاوورامشدر، بتون علوم وفنونک مافوق تعالیسی بولسان (فقه) حقسنده همتلری نسبت معکوسه ایله تناقص ایتمش و بوکون بعض مقدماتی کورمکدن عبارت بولسان تحصیللرمز. هر درلو مشوقدن، عنایتدن، حمایتدن محروم اولان تحصیللرمز بیله چوق کورولمکله باشلامش. دوشونلم!

نیچون مبائی علوم اسلامیة خرابه زار عالم اولمش، نیچون او خرابه زار ایچنده قبلری، جکرلری کی فقر و مسکنتله، محرومیت انتفات ایله پارچه لاشمش قبلر آلتنده ییلدز صایان بیویانکان سکان. مخافة اللهی، حل و حرمتی، حقوق عباددن توقی بی اوکرمک ایستدکلرندن، بش وقت نمازی بلله دکلرندن طولایی هدف احتقار اولمش؟ نیچون بر صحیفه قرآنی اوقویه میان زبیلر ایکی سطرلق بر بیه سک ذوقی طویدکلرندن طولایی بونلره راجح طوتلمش؟

نیچون علماء مبادی عامده قالمش ده عالم قدوة العلماء المحققین ایله طولمش!

نیچون بر جان یاقی ایچون خزینهلر صرف اولمش اقصای بلادده قدر جاسوسلر کوندرلشده مملکت اسلامیة بی افراد تبعه بی استیلاء مظالم جهالت، سربیان بنی وضالاتدن وقایه ایتمک اوزره هر اوج کونلک بر بلده ده اولسون بر فقیه اکبر یتشدیرلماش.

نیچون امامت، خطابت، واعظلی، مدرسلک، تولیت و سائر کی امانات الهیه بشکده کی چوققلره ارنآ تفویض اولمق قانون حکمنه کیرمش، نااهللر اله دوشمش ده او وظائف عالییه بی بحق ایفا ایدمک

ذوات یتشدیرلماش و خدای نابت اوله رق کندیلرکندن یتشوبده صره سنده بالفعل ایضای خدمت ایدنلر خائب وخاسر بر اقلمش؟

نیچون حادثات زمانیه نک بتمامها احکام شرعییه جهت انطباق وعدم انطباقی بالاستنباط فصل وحسم ایدن فقهارلری، مفتیلری، قاضیلری مقاماتی آبدستنده بیله شبهه سی اولانلردن صرف نظر صراحة کوردیکی بر مسئله بی طوغری اکلایه بیلیمک ال بیوک مزیتی اولان کیمسه لره ویرمش، ملتک کافل معدلتی اوله جق قوانین معاملات کوندوز ارتکاب، کیجه عشرله وقت کچرن جهله مخلوقاتک تقدیر خودسرانه لرینه قالمش، احکام ناطقه الهیه نک دینی اکلایان بتمشده کویا لسان صامت طبیعت انطاق اولنیورمش کی (ومن لم یحکم بما انزل الله فاولئك هم الظالمون) سری ظاهر اولمش؟

احوال بشری ایجابات زمانیه نسبتنده احکام ناسخه و منسوخه اساسیه سیله قواعد قویمه به ربط ایدن شریعتک، علم جلیل فقهک اوحیط کل اولان بحر بی پایان مدنیتک خزائن منسیه سی آره سنه کیزلنمش اولان دقائن لایقنا. هی دن حقوق ومعاملات ومناسبات مللک آله بیلدیکنه توسع ایلدیک شویله بر زمانده نیچون مستفید اولمق. اولدققی؟ یوقسه اولسنی بیلیمدکی؟ یوقسه اولسنی هیچ ایسته مدکی؟

عنایت، رخصتیه، خفی و جلی علت منصوصه و مستنبطه سیله ضرورت، عموم بلوی، عرف، احتیاج ناس، جلب منفعت، درء مفسدت کی مبنای اساسیه سیله حال اختیار و حال اضطرابه نظراً افعال بشریه دن هر برینه، حکم ویرمک حکمت فقهی تشکیل ایتمورمی؟

کرچه ماهیتنه آشنا اولانلره کوره احکامی میانته کیفه، خاطره مراعاة بر مسئله قاریشیدیرمق ایکی کره ایکی به خاطر ایچون قرق دیمک قدر محال اولان او علم طایی آرزومزه خدمت ایتدیرمیز. فقط بتون آرزولرمزی اونک دائره سماحتنده خوشه چین استفاضه اوله رق تربیه و تحلی ایدم بیلیرز.

بونک ایچون امام اعظم کی برجهت اکبر یتشدیرمکله، زمانمرده عادتاً محال اولان بر کیفیه تعلیق مسئله ایتمکده احتیاج بوق ایدی.

امام اعظم قیامتده قدر وقوع بولمده جق حادثات بشریه نک مفرداتنه دائر قرآن عظیم الشانک، احادیث نبویه نک حاوی اولدینی احکام عمومیه بی تشریح ایتمش و زمانسه قدر اولان حادثات موجوده ایله وجودی محتمل بولسان صور حادثاتی احبالا تبیله تدوین ایدرک هر برینک کتاب وسننده اندماجی اراشه بیورمش بر مجتهد عالیشاندرکه موفقیترلرینه ساده اقتدار فطریلری دکل نور نبوته قرب عهدلری ده یاردم ایتمشدر.

خصوصیات سابقده بز بوقدر احتیاج آلتنده بولنیورز. اوقدر ساده بر احتیاج ایچنده بولنیورز که طبقات فقه ساددن یدنجی طبقه رجالتک نکتری و کترتی نسبتنده بذل همت ایتملری بزه کافی ایدی. اصحاب تخریج لر اولیورسه نه اولور.

بیع بالوفائی، بیع بالاستغلائی، اجرت علی الطاعه بی، مقاطعه و اجارینی، وقتیه اساس حکمت شرعه مخالفیه بر ابر مجرد احتیاج زمانی اعتباریه تجویز ایدیلوب بوکون اوعلتک زوالیه آرقه سی کسلمش اولان کدکاری، خلو حوائقی، حقوق مجرده دن اعتیاضی تجویز ایدن فقها زماننده شراب طوریتسندن اسپر توره، جابجا ظهور ایتمکله باشلایان سفورطه لره و سائریه دائر کتابنده بحث یوریدن، احکام شرعییه بیان ایدن ابن عابدین، مجله مزنی میدانه کتیرن جمعیت فاضله مجتهد دکلر ایدی. بونلرک هر بریسی بر بلده نک طبقه سابعده دن هفتی ویا قاضیه سی ویا خود مؤلفندن عبارت ایدی.

عثمانیلرک فتواخانه لری که اجنبینک سیله حلال مشکلات اولمق مظهریتنده بولنیوردی عجب او قوجه فتواخانه بشور سنه دن بری عادات، حقوق ومعاملاتده، سیاسیات و عقوبانده ملتک احوال اختیاریه واضطراریه. لری نقطه نظر لردن احتیاجات عمومیه لری نسبتنده افنا

ایستدیک حادئاتك اقتزان ایتریک نسیایچی محتشم اثرلره
نشر یدیهلمك همتنده بچون بوانسهمدی؟ فتواخانه
برجمله جمعیتندن مستغنی دگیدی؟

وطنمرك هرط فنی مسلم وغير مسلم تبعه مذك هر
فردی مظالمیه، سیئایله استیلا ایدن دور سابقه بیه
عفتی محفظه ایدرك احكام شرعیه به خاطر، كوكل قاریشه
میه جفتی عیالاً كوسترن ویاكیز بطاقتندن بشقه برعب
ایله لكه لیمیان او فتواخانه عالیز بیوك برملت اسلامیة نك
مرجع اقصای اولان بومقام مقدس، یاوز کی برخلیفه
سطو پنهت جزئی برزیفك بیه اوكنی آلان، كونده
بیك ورتوی ورن شیخ الاسلامرك اخلافی
اوله جی احكامه معین دوت فتوايك خارجنه چقماق
واسفنا ایدیلن بر مسئله بی سنه لرحه تعویق ایتك کی
حالایله نه قدر شایان اسف کوریلیرسه احكام معدلی
جیبندن چقارمق، کیفه كوره حکم ایتك ایستین محفلره
محكمه لر، یوزلرحه، بیك جه لیرالری دیركرك الایشه
خدمت هوسنده بولان برملت فتواخانه لری بر مدرسه
خرابه سی حالده كورمكه متأثر اولدقزلندن بلهكمباهی
بولندقزلندن طولانی شدتله مؤ خذیه شایاندر.

اوت قصورینی سوبلمكه حقی ایدیلیر. بر جمعیتك
میدانه كنیردیکی برجمله دن حقوق مدنیة و اسلامیة سنی
طاییدان برملت فتواخانه نك، فقهای عثمانیه نك حادئات
جدیده ده تطبیقات فقهی لری كورمش اوقومش اولسه
ایدیلر دعاوی نظامیه دیو تحداث ایدن منازعه لرینك حلی
ایچون بشقه بر محكمه یه كیتمز لر. ووظائف شرعیه بی
غصب ایستیرره رك ایکی جامع آره سنده قالمش بی نمازه
دونمز لر ایدی. اووقت محافل شرعیه، علماء اسلام
روحانیت مجردیه دكل معرفت ومعدات حقیقی به تجلیكاه
اولدقزینی و دین اسلامك مأخذ قوانین مدنیة اولدیغنی
آكلاوب، آكلامنده مشكلات چكمز لر ایدی.

بونلره احتیاج بوق ایدی ده دررلر دامادلر ابن
عابدینلر بورغبیلر بوتوجهلره نه دن مظهر اولیوردی.

فتوا خانه بیه كتب اسلاف طورركن بونلردن مسئله حلنه
نه یه محتاج اولیوردی؟

فتواخانه هر مشكله بتشملی ایدی. فتواخانه فقها سنك
مقبیلرمزك قاضیلرمزك، مدرسلرمزك آثار نافعیه سیله
مملكتمز طوب طولو اولمی ایدی.

ملتزم حقی ایدی اما الاجقی دكل ایدی. بو آدملر
كندی كنیدینه خدای نابت اوله رق بتشسون بزدن اكك
يك ایسته مسون بزر ساد میوه لرینی قولایچه اقتطاف
ایدلم. ایده مدیكمز صورتده كوكنی قازیم فكریده
بروقت بولنملی. هم آهنگ چالشملی ایدی. چالشملی ده
بوكون هر املی، هر كانی علماسنده بولق ایستین
ملت علماسنه اولان احترامی ماده ومعنی از ایتلی،
علماسیده آنرك هر خصوصده کی احتیاجای كافل بولملی
ایدی. اكر بویه اولیدی نه ملت اسلامیة محكوم
مظالم استبداد وضلال اولور. نه ده بضاعه ملیه من اولان
آثار اسلاف، ملكات فاضله اسلام، حسیات عالیة عثمانیان
غبار آلود تبه ونسیان اوله رق آتشلره یاباردی، نه ده
بردشمنك پامال تعدیسی اولوردی. چونكه غایه مقاصدی
اتحاد واستقامت ومعدلت محافظه حقوق لله ومراعاة حقوق
عباد اولان برملتك آرقه سی یه كوردی. فتواخانه مزه
نسبتمز بویه ایدی. یادرس وكالتی نه ایدی. اورادن نه لر
بكلیراییدی. اونی آكلامق ایچون شعبات علوم اسلامیة بی
براز آكلامه من اقتضا ایدر.

مكتب نواب فقه معلرندن
المالی كوچوك حمدی

ترقی

(مابعد)

بومنابع فیض آكینك قعر بی پایانه نه مرتبه انفاذ
نظر ایدر، نه اولدیغمزی، حكومت جلیله اسلامیة مذك

نه صورتله تأسس ایدلیكنی، نه دورلر كچیردیكمز، نه كی
مسائلده صواب ایشلدیكمز، نه درلو احوالده غفلت
وخطایه قالدیغمزی، نصل اولوبده بویه بردر كیستی به
سقوط ایتدیكمز علل واسبایله نه درجه تأمل ومحاكمه
ایلیه بیلیر ایسه ك سمت صلاح وفلاحه اولنستنده تقرب
ایتمش، اولنستنده ترقیات صحیح وسالمه وساطعی ادراك
واستحضار ایلمش اولورز.

بر ادیجز:

زمان زمان ترقی جهان جهان علوم

اولورمی جهل ایله قابل بقای جمعیات؟

بیتله نه بیوك بر حقیقته ترجمان اولمش. بو بر قضیه
مسلمه و بدیهه در. بویه بر زمانده ده، بویه چالشغه،
اكساب كالانه اك زیاده مساعد كونریمزده ده تقیه
ایتمز وحكمت اسلامیة نامنه اوكردیكمز، آكلایه بیلد.
يكمز شیلر، كنیدیلرینه حاشا علما سوسی ورن بر
شرذمه قلیله نك، برقاج تن پرور وتصفوف فروشك
عطالته سائق اقوال متصلفانه سندن عبارت قالیرسه،
همتمزده کی بو بیوك نقصان، شبهه ایدیلره مذك، خسراتی،
همده کلی بر خسراتی انتاج ایدر. برنجی درجه ده
اوروپا مدققین علماسی نظرنده موقعمزی يك كوچولدور،
حادتا حسیض عجز وهیچی به ایندیرر. طوغریسنی
سویله مك لازم كلیرسه، اوناقد نظرلره قارشى السالغه
لیاقتمز اولدیغنه يك واضح دلیلر تشكیل ایلر.

اوروپا علماسی دینیله در حال خاطره، اسلامی مانع
ترقی صایان، بك درلو اعراض ومنافع الجا آنیله او
زمینده کی ترهات وافكار سخیفه لرینی واسطه مطبوعات
ایله نشره دامن درمیان غیرت اولان صورت بینان
وسطی نظرانی كنیریمورز. بر قسم قلیلمزك دكل،
يك چوقلمزك ذهاب واعتقادی بومر كزده. هیچ
دوشونمورزكه، بوكون اوروپاده بفرقه، ممتاز بر
فرقه علما واردركه، آنلر برچوق زمانلرینی وبلهكده
بتون عمرلرینی السنه شرقیه تحصیلنه وقف ایدیورلر.

معانی منیفه فرقانیه مزی، تفاسیر شریفه بی، احادیث
نبویه واصول وفروع فقهی موشكافانه تدقیق ایله
احكام جلیله دینیة مذك بالهكس هر درلو سعادات وترقیات
دنویه بی مروج وسالکین هدایت قرینی دائما چالشغه،
دائما ایلرله مك مشوق وسائق اولایغنی مع التأسف
اعتراف ایتلی بركه، بزدن يك چوق زیاده بیلرورلر،
بیلدكری ایچونده بزده کی رخاوتیه، بزده کی اوضاع
مقلدانه یه، نچون یالان سوبله ملیدر، نظر استغراب ایله
باقورلر. بوجهی، بو بیوك حقیقی نظر دفته آلاملی بزه،
آلاملی بزده قصور همتمزدن، نقصان تدقیق وتبعاتمزدن
طولای بوكون جهالت یوزدن نه حالده، نه آجینه جق
برموقعده بولندیغمزی آكلاملی واو سائقه وحجائله
کیجه كوندوز دیموب هرشیدن اول بجه نی رجه
لندن یقامزی قورنارمغه، كوزمزی آچوب وظیمه مری..
دنیا مزی بیلوب كورمكه چالشمالی بزه.

نامق كالك نصاب علمه مالك وتحصیلنه سالك
اولمیان عوامك هوامدن فرقی یوقدر، قولى يك بیوك
برحكت وحقیقی متضمندر. هر هاسکی بر بحث ومسئله ده
نه درلو بر علم وفنده اولورسه اولسون منتسبلرینك
مستحضرات ومكتسباتی یالان یاكاش برقاج شی بلله مكه
وقتی وقتمز اولله دیك شیلری پاپاغان کی ایراد وتكرار
انحصار ایدمك اولورسه، اوقبل معلومات سطحیه
فائده یه بدل تولید مضرت ایده بیلیر. خیر، بومسئله ده
ترده محلی یوق. تعیر هیچ ایله اوله برمسلكده
نبات، محض خساردر. بوبخنده ایراد واقامه ایدیله
بیهك یوزلرحه دلائلن قطع نظر، بالمناصبه بش اون
سطر یوقاریده كنیدیلرینی علما طور وصفنده كوسترمك
ایستین بعض آوروپالیلرك لغرض «اسلامیت مانع
ترقیدر» طرز ضرینده ایلری سورمك ایستدكری
ادعای واهی به قایلویرمكده مدعای واقعك صحتته بر
برهان باهردر. بویه هرواهی ادعانك صدقه قائل اولق
هرایشیدیلن سوزره اعتماد ایتك، هر كوریلن شی

استحسان ایتک جهلدن ، همده عمیق برجهلدن نشأت ایدر . برشاعر کزیده بیانمک شوقطه سید . زمین بحث ومدعای تنوبر الیه جک براهین واضحه دندر :

اعتقاد ایلمه پک سامعه به باصره به
اولور آنلرده نیجه سهو و خطایه مظهر
ایکی خاصیت ایدر باطل و حق تمیز
بری تدقیق خبردر بری تعقیق نظر

* *

بورایه قدر علی وجه الاجمال یورو دیان مصالحه قاصرانه دنده مستفاد اوله جفی اوزره تنفس ایتکه باشلادیغمز هوای جانفزی حریتله یورکلرمیزی شیشیره رک ، آفاق اجالانزده پرتوبار اولان مهر جهانتاب حریتله قارشی کوزلرمیزی درت آچارق ، حاصلی بردقیقه فوت ایتمه رک برنجی درجه ده اوجهل عمیقندن ، اودشمن بی امان و خانما سوزدن تخلیص نفسه وقف وجود ایتملی ، حصر امل ایله ملی بز . بویه باجماز ، او کلفته قاتلانزده ینه اوبسیط علم واستطالاعتمزله اکتفا ایدم جک ، اوساده وقوفزله کندمیزی برر علامه جهان فرض ایلمه جک اولورسه قی ترقی یوللری سچوب کوره بیلیمک شویله طوسون ، بوظفلا نه و جاهلانه حرکتهمزله دوستلرمیزی جدا آغلاشم ، دوشمنلری ایسه خنده دن چاتلانم جق برحاله کتیرمش اولورز .

انصاف ایله ملاحظه بیورل-ون : انوار توحید واسلامیتک زوال ناپذیر برشمعه اجلال ، فیض و عمران جهان خام بر بارقه اقبال ایله بتون افکار عالمی تنویر باشلادیغمی دم مسعوددن بری بوقدر اسلام دولتی ، اسلام حکومتی تشکیل وتأسس ایلمش . بودولت و حکومتلردن هانگیلری جهل ایله ، ورزش نام ایله دائرة علم واطلاعاتی توسیع ایدرک احکام منجیه قرائیه اوساوی بیانانه ده زباده عقل ایردیرمش ، مصالح و معاملات دنیویه شریعت غرای احمدیه دائرة منجیه

سندن انحراف ایتمه رک عدل وحقه ده زباده توسل و تقرب ایلمش ایسه ظفردن ظفره انتفال ایله براتر ، بریاد جیل برافشیلر ، هانگیلری سائقه غفلت وتن آسانی ایله مضیق جهالت و خود پسندی ایچنده قاهره او احکام جلیله دن ، او بینات الهی دن اعراض ایلمش ؟ حرکات و معاملاتنده پک طبیعی اولورق مظالم واعتسافاتی شعار ایدیشلر ایسه آز زمان ایچنده درکه واپسین اضمحلال و منسیته سقوط ایلمش لر در . یالکیز عالم اسلامیتده دکل ، تاریخک شهادت عادل سیله ثابت پک بیوک بر حقیقتدرکه ، احوالی مضبوط نه قدر ملل واقوام وار ایسه عمومیه مدار فوز و نصرت معرفت ، باعث برادی ونکتت جهالت اولمشدر . دنیاده جهالتک ایقاع وتولید ایدم سیله جکی شورش ومظالمه ، اسباب اضمحلال وخرابیه پایان تصور ایدمیه جکی کی علم ومعرفتک فیوضات عمر انسانینه ، تجلیات سعد آینه نهایت تصویری قابل اولاماز :

معرفت حقک اجل لطف سبحانیسیدر
عزتک حامیسی ، معموریتک بانیسیدر
دائم ایلر ظاهر وباطنه تقلیب امور
صانکه احکام شتوک صانع ثانیسیدر

بنه تکرار ایدرم : نرم ایچون یکنه چاره نجات جهالتدن ، اودام دوانا پذیردن تخلیص نفسه سی واهتمامدر . بوامل مبجل ومقدسک حصولی ده هر برشعبه معرفته کوره مدید بر تدقیق وتنبه ، جدی بر تعمق واختصاص عرض احتیاج ایلر . اسلاف کرامتک بقا جویانه بر امل خاص وممتاز ایله جانجیا تأسس واحیا بیوردقلری کتبخانه لرمز زواردن خالی قالدقجه ، او هر بری بر کنجینه حکمت ومعرفت اولان کتب نفیسه اسلامیه - بر پا مسز دیار اجنبیه دوشمش بی یار وهمدم غربا ویا آغوش شفقت مادر دن محروم قالمش یتیم لری - غبار نسیان ایچنده بولندقجه ، اومرض مدهشدن خلاص نفسه طبیعی امکان تصور ایدمیه من .

نجه نسیانی قابل اوله میه جق اک مؤسف حاللر دندرکه ، طقوز اون سنه مقدم مطبوعاتمیزی ایچه اشغال ایدن مهم بر مسئله قاریشان وکزیده بر فرقه شبیه رایت کش اقبال اولان غیور برکنج محررمز ، فوران دم جوانی ایله پک ایلری کیتمش ، سوزی کتبخانه لرمزده انتقال ایتدیره رک : « کتبخانه لرمز ، کتبخانه لرمز دیوب طور بیورز وبوغرور ایله هندی کی قاپاریورزا . عجبا نه مالکیز ؟ اوروپا بانطالونمیزی اعمال واحضار ایتسه چیر چلاق قاله جغز !... دیدم ، جرانی اودرجه لره کورتورمکدن چکنممش ایدی . انصاف ایله ، امعان ایله تأمل ومحا که ایدر ایسه ک بز بر قسم کنجلمزک جرانی بودرجه لره کورتورملری ده پک طبیعی بولور ، کندیلری نی بوفکر وحرکتلردن طولانی حتی معذور کوره بیلیرز . زیر اسائق ، غفلت وجهالتدر . عمرنده بردفعه اولسون برکتبخانه یول اوغرا تمی خیالندن کچیرممش ، تدقیقات وتبعاتی انتساب ایلدیکی بر ایکی اجنبی لساننده اوقودینی آثاره انحصار ایلمش کنجیلردن بوندن فضله وقوف ومعلوماته انتظار ایتک بالطبع ممکن اوله ماز . (المرء عدو لما جهل) حقیقی ده بوکی احوالده خاطره کلیر . لکن بومستله ده شایان نظر پک مهم بر نقطه وار : بز کنجلمیزی ، زمام استقبال اداره یی ید کفایتلرینه آلا جق او منور الافکار وطن وملت خادم لری بوقدر عمیق بر ظلمت جهل ایچنده کورمک ایستیه من . غفلتک بومرتبه سنی ، جهلک بودرجه سنی نه شان انسانیته موافق ولورز . نه ده حمیه .

واقعا مبدأ فلاح وسعادتمز اولان (۱۰ تموز ۱۳۲۴) تاریخ مبجل و بمن اشتالنه فدر اوج بش کون اوست اوسته برکتبخانه یول اوغرا تمی ، مهم وعمیق مسائله عائد تنبیه قویوق بر جوق کسکین نظرلره قارشی بیوک بر جرأت صایله بیلیدی . اداره سابقه نک اک بیوک مزیتی ، اک بیوک لیاقت ومعرفتی هر صنف خلقی عمای جهله جهل ایچنده براق اولدینی ایچون واسع زمینلرده

مطالعانه کیریشمک ، هله بیوک بر حقیقته ترجمان اولمق اعظم اسباب جنایات دیمک ایدی ! . بوده بزلی استکنانه احوال دن ، استکشاف حقایقدن محروم بر اقیور ، او آجینه جق بر مرتبه ده بولنان غفلت وجهلمزه وسعت وانبساط ویرسوردی . فقط بوکون ، بوکون نه زمان ایسترسه ک هر ایستدیکمز کتبخانه یول اوغرا تمیده ، هر ایستدیکمز کتابی آلوب کونلر وهفته لرحه اوقومقده هیچ بر مانع وهائل یوق . بوکونده او ملاذ عرفانه التجا ایتز ، دائرة تدقیق وتبعاتمیزی اویوزندن توسیع غیرتنده بولماز ، باخصوص اوروپا فضلا وارباب معا رفک علوم شرقیه یی تدقیق واستکنانه خصوصنده ابراز ایلدکلری همتلردن عبرت آلامزسه ق قصور حصر آ بزه نوجه ایدر ، حصر آ نقصان حمیت وهمتهمزه عائد اولمق لازم کلیر . بوا یسه نرم ایچون پک بیوک برذلدر .

لطافت موقعیه سی اعتباریله ، خاثر اولدینی ثروت وقابلیات طبیعیه ایله ربیع مسکونده بر مثلنه ده تصادف ایدمیه جکننده اشتباهه محل اولیمان پای تختمیزی ، اوباشدن باشه کوزل مملکتلرمیزی برر یانغین یرینه ، یوم وغرابه مقر برر خرابه زار وحشت آثاره دوندیرن یغما کران استبداد ، الهمدن قورق و بیغمبردن حیایتمک مزیت واستعدادندن بالکلیه محروم یادایدیلان و طرفداران مظالم و بیداد اک بیوک غیرت وهمتلری کتبخانه لرمزی بیللرجه مسدود براقفه ، کتابلرمیزی فرعونلرک ، حجاجلرک ده روا کوره میه جکلری بر شناخت وملعتله محو ایتکه ، حتی تصویری بیله تویلری اورپرده جک بر جرأت کستخانه ایله یاقفه حصر وصرف ایتدیلر ! بز زوالیلر ، شوصوک اوتوز بوقدر سنه ظرفنده هیچ بر دورده کورلمه مش بویه بر مضیبت قارشوسنده ده بولندق . قیمتدار ونفیس بیکلرجه کتابلرمز تاراج ایدلدی . مهم بر قسمی چالندی ، اجنیلره صلیلیدی . بوجانوب صاتیلان قسمی بوکون ینه استفاده یی خادم وعفوظ بولندقلری ایچون پک اوقدر تأسفی موجب

اولسه بيله طعمه لهيب اعتساف اولسارك خاطر خرد سوزى قلوب ارباب حبيده بك درين والتيام نابذير ياره لر آچار . بوزم ايچون هر صورته كوره جبر وتلافيسي بك مشكل وبلكه ناكابل برضياي اليدر . مع هداموجودى حسن محافظه ، موجوددن يولييه وحقيه استفاده به چاليشيرسه ق اوده بزى آملز ، آمال مقدسه وترقى جويانزه ايرديره بيلير .

مطالعاتى علوم شريفه دن استنتاج واستحصا ايدله جك فوائده مخصوص بولنديرو بده اك زياده اوفكرى تعقيب ايديشمندن ، غربك مآثر كالاتندن امراض ايتك ايتديكمه ذاهب اوله بيله جك بر فردك وجودينه احتمال ويره مم . مقاله ناجيزانه مى دقتله مشمول لحاظه التفات بيوره جق قارئين كرام بالعكس بك كوزل تقدير بيوررلر كه ، شوسوزى بوقدر اوزاتمقدن يكانه مقصدم ، دها ايلروسنه كيتكم عمومز ايچون قابل اوله مسه بيله شرق حقنده كي معلومايمزك غربه عايدوقوفز درجه سنده اولسون اتساعه خدمت ايدلسنى تمهيه مقصودر .

مابعدى وار
خليل اديب

مقرى كوى :

انسانلرك بر قانونه احتياجلرى

انسان طبعاً مدنيدر . قضيه سى اثباته محتاج مسائلدن دكسه ده بوباده برايكى سوز سويلمك ايسترم شويكه : هر شخص ايچون يالكز باشنه يشامق ممكن دكلدر . چونكه هر فرد يشامق خصوصنده مأكولات ومشروباه تاثيرات خارجيه دن وقايه ايچون لباسه ، ياز وقيشه مناسب اوله جق مسكنه ، حيوانات وحشيه نك مهاجمه سندن صيانته اسلحه به محتاجدر . حالو كه اشيائى مذكوره اساساً موجود اوليوب هر برى برنوع صنعت ايله حاصل

اوليور . برانسان صنعتلرك جمله سنى تحصيل ايدوبده يشامق ايچون محتاج اولدينى هر شئي استحصال ايدله بيلمك ممكن دكلدر . از جمله مابه الحياه اولان براوقه اكك استحصال ايتك ايچون اولاً حيوانات يتشديرمك واستعمال ايتك ، ثانياً دولكرك ، ثالثاً تيمورجيلك ، رابعاً جفتجيلك ، خامساً چولج جيلق ، سادساد كرمجيلك ، سابعاً اككجيلك ، صنعتلرني اوكرنه رك بالفعل اجرا ايتكمه محتاجز .

افراد انسانيه دن شخص واحد ، صنائع مذكوره ي بالفعل اجرايه مقتدر اوله ميه جنى جهته براوقه اكك وجوده كتورمكنن عاجزدر .

شوحالده انسان ، رفاه وسعادتله يشامق خصوصنده نى نوعنك معاونتنه محتاجدر . چونكه افراد انسانيه دن هر برى يشامق ايچون محتاج اولدينى شيلردن برى وجوده كتوره كله بالعموم افراد انسانيه نك اسباب معيشى سهولته حصوله لكش اولور . بناءً عليه حيات بشريه نك ادامه سى مدنيت واجتماعه متوققدر .

مدنيت (مدنى ، يشامق ايچون لازم اولان شيلرى بشقه سنده محتاج اوليه رق كندى كنديلرينه استحصال ايلين قوم ديمكدر .) ايسه افراد انسانيه آره سنده معاملات ومعاضات جريانى ايجاب ايدله جكى امر ضروريدر . انسانلر قوه قاعله ، قوه غضنيه ، قوه شهويه نامرليه اوج قوت اوزره خلق اولمشلردر . قوه قاعله آنلرى دائماً معرفت ، طاعت ، صلاح وكاله سوق ايلديكندن بوكا نظراً انسانلر آره سنده مقاتله ومنازعه وظلم ولعدى كى احوال حمله كله من ايسه ده فقط قوه غضبيه وقوه شهويه دفع مضرت وجاب منفعت كى اساسلره خادم بولندقلردن افراد انسانيه آره لرنده ظلم واستبداد ومنازعه ومقاتله كى احوال وافعال مذمومه نك حصولى امر قطعيدر .

بناءً عليه اشبو ايكي قوتك مشروع اوليان شيلره تهاجمى دفع ايدرك تاثيرلرني منع وكسر ايتك ، سوق

حضرت (محمد) صلى الله عليه وسلم اقدمن واسطه سيله بالعموم انسانلره ارسال بيورلمشدر . طرف سبحانيدن عموم انسانلره ارسال بيوريلان قانون ، قرآن كريم وكتاب الله در .

قرآن كريم ، عدالت ، استقامت ، مساوات ، اخوت اتحاد ، صنعت ، تجارت ، معارف ، جهاد ، دفع مضرت ومجرملره مجازات ايله امر ايدرك انسانلرك مادی ودنيوى تكمللرني بيان بيوريور .

قرآن كريم ، صانع تعالى حضرتلرينك ذات الوهيتى وصفات جليله لرينى معرفت وافاضه بيورمش اولدينى جود وعطا مقابلنده تشكر وطاعت ايتك ويغمبران عظام حضرتانك جمله سنى وعالم آخرتى تصديق واقرار ايلمك خصوصلرني امر ايدركده انسانلرك معنوى واخروى تكمللرني بيان بيوريور .

بناءً عليه قرآن كريم ، انسانلرك هر خصوصده تكمللرني كافل بيوك بر قانون اساسيدر . اس اتوانيندر . ايمدى انتظام امور ايچون محتاج اولديقمز قانونى محافظه ايتك واجيدر . كرك شريعت وكركسه قانون اساسى محافظه فكر عدالت واستقامتده اتحاد ايتكمه وبخصوصده لازم كله جك قوتى استحصاله متوققدر . قوت ايسه ثروت ، تجارت ، صنعت ، ومعارفه موقوفدر . اسباب مذكوره دين اسلامك بقا وتعاليسنه مدار اولديقمز آنلرى درجه كاله ايرديرمك جمله امت محمده فرض اولدينى كى قانون اساسى ، شرع شريفك بقا واجرا اولمسنه بروسيله اوله جقمندن آنى محافظه ايتكمده جمله مزه فرضدر . شايد اسباب مذكوره ي التزامده قصور ايدله جك اولور ايسه ك بوقصور جمعيت دينمك انقراضنه سبب اوله جقمندن جمله مز عاصى وكناهكار اوله جقمز شبهه سزدر . دين مابين اسلامك قوام وبقائى قرآن واحكام دينيه به تمسك ايله در .

جابر ابن عبدالله رضى الله عنه روايت ايديورلر كه : (امرنا رسول الله صلى الله عليه وسلم ان نضرب بهذا يعني السيف من عدل عن هذا يعني المصحف) .

ايله جكلى ظلم وفساد واستبدادك حصوله ميدان ويرمامك ، انسانلرك مدنيت واجتماعلرينه نخل اوله جق نقائص وفسادانى دفع ايدرك آنلره حریت وسربستى ويرمك ، مادی ومعنوى دنيوى واخروى حضيض نقصادن اوج كاله ايصال ايتك ايچون افراد انسانيه آره سنده بر قانون اولمق لازمدر .

بوقانون نه كى صفاتى حائز اولمليدر : قانون مذکور انسانلره معارف ، تعاون ، عدالت ، استقامت ، مساوات حریت طريقلرينى وآره لرنده وقوعه كله جك معاملات ومعاضاتك صورت اجرائى جلب منفعت دفع مضرت يوللرى والحاصل بتون مسائل حياتيه ي هر زمانك احتياجه موافق بر صورتده بيان ايتليدر .

قانون مذکور كم طرفندن تنظيم ايدلمش اولمى ؟ بالعموم افراد انسانيه نك مادی ومعنوى ، دنيوى واخري كالات ونقائص ، منافع ومضارى نظز مطالعه به آليورسه انسانلرى هر جهندن اوج كالاته ايصال ايدله جك ودائرة عدل وانصافدن خارجه براقيه جق بر قانون وجوده كتورمك ممكن دكلدر . نته كم شمدي به قدر بويه بر قانون وجوده كتوره مه مشلردر . چونكه انسانلرك علم ومطالعلى بوكا كافى دكلدر . بناءً عليه قانون مذکور اولمش اوله جق جزئيات وكلياتى وافراد انسانيه دن هر فردك منافع ومضارنى علمى محيط اولان خالق سبحانه ونقدس حضرتلرى طرفندن وضع وتنظيم ايدلمش اولمق لازمدر .

اشبو لزومدن طولاني جناب خلاق عالم پيغمبران عظام ايديلر يمز حضرتانيله محض لطف ورحمتندن اوله رق صوك درجه عدل وانصاف اوزره مبتنى وظلم واستبدادى بسبتون قلع قوانين مخصوصه ارسال بيورمشدر .

قوانين سبحانينك اساسى حضرت آدمده تمهد ايلوب عادت وسنت آلهى ايله تدريجاً تمى وتكمل ايدله ايدله كاله نهايت درجه به بانغ اولدينى حالده سيدنا

دیمک اولیور که : ملت و حکومت اسلامی که محافظه می ایچون ایکی بیوک قوت استحصال ایتک لازمکیور . بری قوه قانونیه دیکریده قوه عسکریه در بناء علیه (لاعقل کالتدیر) حدیث عالیهی رهبر حرکات اتخاذ ایدرک اتحاد و اتفاق ایتلی بز دین و جمعیت مزک ترقیهی خصوصهال بر لیکله چالیشملی بز بردها اسارت بیوندیریغه کیرمه مک چالیشملی بز . بونکله قالیوب قوتی ترمزی توسیع ایدرک آوروپا اسارتندده قورتلغه سی ایتلی بز ایشته اووقت حریت کامله به نائل اولش اولورز .

فاتح درسعامندن اسکلبلی
محمد عاطف

عروة الوثقی

(مابعد)

عظمای بشر مافوق القوی اولان قدرت محیطه نک تاثیر کلیمی تحتیده بزون قاهره او قسام ازینک هر فرد ذی حیاته تودیع بیوردیقی قوای کافیه و منابع کافه سایه سنده عالم ایچنده تحلیله و ترکیب قاعدیت معروضه سندن منبعث بر جوق شیر یا مقده در . بر ذره ، حکمت باری نی سیر ایتلی که محیط استوائی سویه سندن سمای ارضیه کره هوا ده نیجه بییک انقباض و انبساط اوجرایه رق کچیور ، بیکیلره ساعتک مسافه قطع ایدیور ، مهد ارضه ایدیور ، بطن ترابه کچیور ، سوق قضای الهی ایله مجهول دلیکله کیریور . حاصلی حیرت افزا سیاحتلر اجرا ایدیورده ینه مرجعه ذره حالنده دونیور ، دوشوئلی ، نه بیوک قدرتدر بو قدرت ! و نه بیوک حکمتدر بو حکمت !

ایشته تحصیلدن محروم اولانلر قدرت باری نی پک تنک بر نظرله تماشا ایدرلر ، بر چوبانک ، بر صیواحینک تحصیل ایله تنور ایتمه مشغول سی نه قدر استعداد فطری به قرین اولورسه اولسون ینه عقیمدر . هیچ بروقت ابن رشد قدر جناب حق بیوک بیللمن نصل بیللور که

اولا بیلیمکه اولان استعداد اظهار ایدلمه مش . مثلاً : بوکون های دین عالیشام ، باشمده سایه باندر . دین ابد انشانک شهر حایه سنده پک عمیق حکمتلری کورمکه نامزد م . بونعمت الهیه به قارشو بیلیم نه صورتله عرض شکران ایدم بیللمی ! ابوالبشر حضرتلری قدر یاشاسم بیل صوک دقیقه عمرمده ینه حق شکرانی ایفادن عاجز قاله جغم !

عطیه دین قدر اجملی ، قیمتدار بر جوهری اولور ؟ دینسر قالمقدن ، اول و آخر و ظاهر و باطن اولان او حافظ بی انبازه صیغیزز . دینسرک مسلکته قائلیت کی مصیبت ایکی جهانده تصور ایدیلهمز .

عجبا شو سایه رب عزنده مستظل و معرفت حقه مجبول بولندیم ارض و ما علیها و واقع اولان حادثات و اعراض موقته و دائمه دن ، نباندن ، معدندن ، صودن ، هودن ، بیلدیزدن ، طاشدن ، طوپاچدن او محیی کل شی اولان قیوم جلیل حضرتلرینه اعتلایه اوزات اقدس ازلی حقنده پک درین بر حس حرمت و تکریم طویقله ینه بیلیم که ابن یونس قدر ، شیخ محی الدین قدر موفق اوله بیلیم ؟

بو فکر اوله بر فکر در که صحنی سندن آسمانی ایله [بیلنلر ایله بیلیمنلر مساوی اولورمی] مؤیددر . دگلی ، بن آنلر قدر بیلیمورم . انظارمده شعشه انداز اولان هر آیت حق ، بکانه قدر ناطقه پیراده اولسه بن اودلیل عالمدن مثلاً خواجه تحسین قدر معنی چیقارم ! مرحومک :

سطور حادثات دهردر ابعاد نامحدود
بحجم لفظ معنی داردر عالمده هر موجود
بیت غراسی که نیجه علوی افکارک معکسیدر . شبهه سز . در که ای بر بیلیش سایه سنده سوبلنمشدر . بن فرضا مرحوم قدر الوهیت آشنا اولق ایچون سطحی نظراق قلعه سنده محصور قالمالی بم ، تا که او درجه وقوفه و صلتم میسر اولسون . مفلور اولدیم استعداد ظاهر اولسون .

بیلیش دیدمده خاطریمه کلدی . تعریفه حاجت یوقسه ده سوبله به یکه بو بیلیش حقیقی واقعه مطابق اوله رق حق بیلیش ، جست و جوی حق سایه سنده ایدیلن وقوف دیمکدر که بو وقوف انجیق حکمای الهیونه مخصوصدر . یوقسه بو خنرکی ، شو پنهوثر کی فیلسوفلق نامنی سرقتله کچینلر مثللو طاشی طوپراغی و بونلرک کویا خالق اولان کوچک کوچک ذرات مادیه نی حاشا حق اعتقاد ایدن اخلاقسزلرک بر بیلیشی ، بر اعتقادی واردر که رم اوله بیلش ، اوله اعتقاده قریبتدن جمله سنی وجهه مزی حفظ بیورسون . اوله بیلیشه باشقه بر تعبیر قحط لغندن دولای بیلش دیمکده مضطر قالیورز .

مابعدی وار
مشیخت مکتوبی قلمی خلفاسندن
معمار زاده
محمد علی

بر مکتوب

[قال الله تعالى یا ایها الذین آمنوا اتقوا الله وقولوا قولاً سدیداً]

در سعادتده بیان الحق نامنده بر غزته نک نشره ابتدا ایتش اولدینی مسموع عاجزانم اولمشیدی . مؤخرآ الیه کچن برایکی نسخه سنی تمامیه مطالعه ایتمامله مندرجاتک مباحث شریفه و نافعدهن عبارت اولدینی واسمک مسامحه توافقی ایتدیکنی کوردم یعنی بو محترم غزته ده حق سوزلر واردر بیاناتی آیات جلیل و احادیث نبویه و مسائل فقهیه به مستنددر بعض جهله طرفندن احکام شرعیه به مخالف اوله رق تصدی ایدیلان نشریاتی تزییفه و معارضلرک آرای رکیکه سنی ادله شرعیه ایله رد و تقیفحه کافل و هر حال و معامله ده حق نه ایسه آن تحقیق و اثباته کافیدر بناء علیه یتشدیکمز شو زمان سعد اقترانده بویه بر غزته نک نشرندن طولای عموم ملتک لسانندن راسمه

تشکری ایفایه مسارعته نشرینه همت بیوران ذوات کرامک شایان تبریک و تقدیر بولندقلرینی من غیر حد عرض و بیان ایدرک آتیده کی مقاله نی علاوه ایلرم . [قال الله تعالی وسیعلم الذین ظلموا ای منقلب یتقلبون] خیلی بر زماندر که ملت معظمه عثمانیه بر طاقم ظلمه نک بلیه تعسفاته کرتار اوله رق نه یابه جقیرینی و نه سوبله جکیرینی شاشر مشلردی حق ملتدن بعض کیمسه لره حقه دائر بر خاطره حدوئیه آنی سوبیلیمک ایستدیکنده کمال دهشت و حیرتله اطرافنه باقوب کندنی کندنی به دیر ایدیکه شو سوز طوغری بر سوزدر سوبلیم عجبا کندیه ضرری طوقونورمی ؟ بونلرک بعضیسی نفسندن قورقه رق شمیدی حق سوبیلیمک جنایت کیدر دیه صبر و تحملی اختیار ایل سکوت ایدوب بوکا بدل درونسه بر داغ الیم آچاردی و بعضیسی تحمل ایدمیه رکه هر چه باد آ باد دیه سوبلر سده همان کندیسینی نیجه ظلمه به دوچار اولش و اداره استبدادک تأثیری آلتنده قالمش کورردی اوزمان استبداد بر زمان ایدیکه : ملک و ملتک ترقی و سعادت نه کی اسبابه توقف ایدر ؟ و نقصانلریم نه کی وسائلک استحصالیه ا کمال ایدیله بیلیر ؛ اصلاً دوشونلمدیکی کی صداقت و استقامتی کیمسه لر تحقیر و تبعید ایدیلرک دسایس غدیره ایله ارباب عفت و ناموسی پریشان ایلیمک یولنی کیم که زیاده بیلیرسه او کیمسه لر اونسبتده مظهر تکریمات اولوردی . اوزمان بر زمان ایدیکه درهم و دینارک جلب و ادخاری و ظالمانه قوه نفوذیه اجراسی مقصد اصلی عد ایدیلرک ملک ملتک عمران و تعالیسی حقنده کی مقاصد عالیه وادی تراخی و تکاسلده قالمشیدی .

[قال رسول الله صلی الله تعالی علیه وسلم تعس عبد الدرهم تعس عبد الدینار] عاقبت اشبو حدیث بلیغ نبوتک سری اوکی مقاصد فاسده اصحابی اولان بدناملر حقنده ظاهر اولمغله الحمد لله تعالی جزای سزانی بولدیلر . اوزمان بر زمان ایدیکه کندنی اقبالی و حظوظ نفسانیه سنک

کیف مایشاء اجر استی ملک و ملتک قهر و تخریبند
بولش کیمسه لر وار ایدی . او زمان بر زمان ایدیکه
شرعاً حرام اولان شیلر منع اولنق لازم ایکن بالعکس
علماء دین مینک اخلافه یادکار کزینی اولوبده ملت
معززه اسلامیه نک دنیوی و اخروی فوز و سعادت
وسائلی محتوی بولنان بعض کتب نفیسه انتشاردن منع
ایدیلرک ارباب استفاده محروم ایدیلیدی . اوزمان
بر زمان ایدیکه پای تخت سلطنت سلیه اولان استانبول
شهر شهری حین فتحندن رو مهبط علمای دین و مقر
ارباب یقین اولق مقصد عالیله دیار بعیده دن سیله
اعظم علمایک جلبنه و حقارنده احترامات لایقه اجر استی
و طلبه علومک تکثیر یله بر طرفدن علماء یتشدد برلینه
فوق العاده همتر صرف اولنرق بونجه عصر لر دنبرو
شهر مذکورده او مقصد عالینک حصصولی و هم
معروضه نک آثار نافع سی کورلشیکن کچریدیکمز
استبداد زماننده طشردن پای تخته طلبه براقامق
شویله طورسون پای تختده موجود اولان علما
و طلبه حقارنده کونا کون سمانلر تصنیعیه شو زمره
محترمه کال درجه یأس و فتور ویرلک کبی حالات
ردیه ایقاع ایدیلیر ایدی .

اعصار سالفده یتشمش و ترقی ایتش اولان علما
و ادبانک درجات ترقیاتک قسم اعظمه قدر و مزیتلرینک
تقدیری و تلطیفات فوق الغایه مظهریتلری و سیله
اولوردی زمان استبدادده ایسه ظهور ایدن علما و ادبا
و ارباب حیتک مظهر تلطیفات و تشویقات اولسی شویله
طورسون بالعکس بو ذوات برر صورتله یأس و فتور
اوضرادیلررق محروم و بی اعتبار براقیلوب ارباب جهلی
و تکاسل فوق المأمول تکریماته نائل اولورلر ایدی . شو
زمان حاضر مزده اصلاحات مقتضیه اجر استی و امورک
اربابنه تودیی طبیعی اولدیغندن بمنه التکریم زماننده
کندیلرندن هر صورتله استفاده اولنربیلرک پک چوق
علما و ادبا و ارباب حزم و رویت یتشه چکی قویاً مأمولزدرد .

الحاصل او زمان استبدادده ارباب عقولک چاکتی جیب
تحمیلی دامانه ایندیره چک درجه ده حالات مضره حکم
فرما ایکن [قال الله تعالی سیجعل الله بعد عسر یسرا]
جناب عادل مطلق بوملت نجیبی لطف عمیمندن بهره دار
بیوردرق ارباب نصف و حیندن بعض ذوات فضائل
سمائی خضر کبی و بلکه غزوات نبویه نک بعضیسنده
نصرت ایچون من قبل الرحمن ارسال بیوریلان ملائکه
کبی بوملت مقدوره فریاد رس اولق اوزره مسدانه
چیقارمش و الهامات سبحانیسه مظهر بیورمش اولغله
مشارالیم تشمیر ساق غیرت و حیت بیوردرق اوظلملرک
وجودنی ساحة دولتدن ازاله و تطهیر و استبداد
بله سنک عموم ملتک باشندن دفعنه و اداره منجیه
مشروطیتک اعلاننه له الحمد موفق اولمشلردرد .

[قال الله تعالی فقطع دابر القوم الذین ظلموا
والحمد لله رب العالمین] ذوات مشارالیمک بویایده کی همت
و موفقیتلرینه [من لم یشرک الناس لم یشرک الله] حدیث
شریفه امتثالاً هزار زبان ایله عرض شکران ایلرز .

زائل اولان استبداد زمانی ایله شوزمان حاضر مز
بینده نسبت آرانیهلحق اولسه استبداد زمانک ظلماته
وزمان حاضر مزک انوار لامعه الهیه به مشابیه مسلماتندرد .
استبداد زمانی یازین ایام باحورده کونش قارشو اوتوروب
حرارت شدیدک تأثیری آلتنده قاهررق ترلر دوکک
کبدر زمان حاضر مز ایسه ایام صیفده غایت سایه دار
و اطرافی چمنزار اولان و برجهتندن سلسیل مثالی مباح
بارده جریان ایلان بر درخت دلنشینک کولکسی آلتنده
احبا ایله بالین استراحت طیانوب اوطورمق و اذواق کونا
کونه مظهر اولمق کبدر . زمان استبداد زمان موتیه
شیدر چونکه اوزمانک تأثیرندن ملک و ملت حالت نزع
کیش بر شحض کبی ایدی . زمان حاضر مز قلوب ملتیه کی
باشدن حیات بخش ایتش اولدیغندن حیات زمانه بکزر .
شواکی زمانک بیننده کی فرق ایچق ارباب بصیرت و حیت
آکلار . اجلاف صنفندن و افکار ملوئه امجابندن اولنلر

بیلمز . چونکه آنلر کوردرد و چشم بصیرتلی قبالیدرد .
[قال الله تعالی و ما یستوی الا عمی و البصیر
ولا الظلمات ولا النور ولا الظل ولا الخور . و ما یستوی
الاحیاء ولا الاموات] ملت آره سنده شوبخشایش الهی
اولان اداره مشروطیتک قدرینی بیلمیانلر و ممنون اولیانلر
بولندنی مع الأسف ایشیدیلور . اوکیلر انظار عامده
غایت الحق و درجه نهاده احمق بولندقلرندن اوکیلر
سزاوار قبیح و توبیخ اولوب شاید اوپله افکار
ناهمواردن و از کجمدکاری تقدیرده کندیلرینی مجازاة
شدیده پنجه سنده کوره جکری شوزمان اقبال نشانک
لوازم سربیه و بدیهه سندنرد .

واهب الامال حضرتلرینه لایعد و لایحیی حمد
و ثنار اولسونک بزی بویله بر زمانه قاووشدیردی .
بعدا هموم ملتک عهدسه ترتب ایدن وظیفه حضرت
حی منانه حمد ایله قننی جلس و مذهبیدن اولورسه
اولسون عموم ملت عثمانیه یکدیگریله خوش کچینه رک
و حققی براتفاق عقد ایله رک دولتمزک اعتلای شانی
و ملک و ملتک اکل قصصاتی و بالوجوه ترقی و سامانی هر نه
اسبابه منوط ایسه ال برلکیله استحصال و استحضارینه
همت و غیرت ایلیمک و طوغریلقدن آیرلماق و هر معامله ده
عدل و انصافی ترک ایتماک و احکام شرعیه و مقتضیات
قانونیه به توفیق حرکت و اوامر حکومتیه انقیاد و اطاعت
ایتمک و کندی فائده سنی آخرک ضرر نده آرامامق و خلیفه
زمانک عافیت و موفقیتنه دعا ایلیمکدر . و من اه التوفیق
نعم المولی و نعم الرفیق .

قره حصار شرقی نفتیسی
مصطفی عاصم

ادبیات

— مدرسه —

ای مدرسه ، ای مطلع انوار معالی
فیضکله دمدام

ایتمکده نجیبانه ، کریمانه تعالی
بر باشقه جه عالم
ایلر سک افکارده کی قسوتلی سبایی
تالان و پریشان
پارلار ید عرفان ایله آجد قجه نقابی
سیای سروشان

§
مبنای کزینکده کی آثار مهابت
بانیلر بیک حس صمیمینی اظهار
ایتمکده پدیدار
برنالش حجت

مجلای حزینکده کی انظار غرابت
علویت شانکده خصومتله سپکار
نا قابل انکار
ایحباب جهالت

§
سندن یتیشن بونجه مشاهیر اعظم
پرلمه معالم

طرزنده ، تواریخ شرف و یرمش ایکن سن
لایقی که صیتکله تناسب ایده چک بر
غنوان شرفدن
اول خائب و خاسر
یوق ، یوق اونباهت که صفابخش خیالم
سایه ک ایله قائم

آنجق بونی امعان ایده چک دیده روشن
غفلتله ، جهالتله بوکون اولسه ظاهری
فردا کله رک شن
اظهار ایده جکدر

§
بونامی زیور کفتار ایدوبده شوق ایله بن
نه دلسه بجه شروع ایلدیمی مدرسه دن
کوکله نشوولی برحس ، بر اقسام اوپانیر
خیال و خاطره سرعتله اوپله طالع لایر

که سانجامی بر دورلو ضبط وثبت ایده‌م
بتون دوشونجه‌می بر سلکه نظم ایدوب کیده‌م
زمان، زمان: نیجه در دوره شباب؟ دیرم
او آنده عالم ماضی یه‌دک شتاب ایده‌رم
زمان اولور که توارد ایدر نواقص حال
اودم آرار، طورورم بر مدار استکمال
شوئن آتیه آه او جهان خاطره سوز
تعین ایله یه من چشم اعتباره هنوز
اوت! او عالم ریب وکان‌ده کون کچرک
کلوب نگاه بصیرتده انکشاف ایده‌جک
فقط حیات بشرده دوام قطعی یوق
او عصری کورمه یه‌جک بلکه کیم بیلیر ده‌ا چوق
§
اون آلتی ییلی قدر اول دی اقربادن بر
انیس محبته مالک ایدم که یک نادر
مصادف اولدم آنک بر مثال خلقتنه
جهانده واله و مشتاق ایدم محبته
یکانه مونس روحدی، غمکسارمدی
ظلال حجرده بر خوشجه یار غارمدی
ایچه وقف حیات ایلشدی تحصیل
دهای خلقتنه مالک ایدی خصوصیه
عجب علومی احاطه نصیب اولورمی؟ دیبه
نگاه حسرتی هپ منعطفدی آتی‌یه
کونک برنده کلوب یاندی بر حرارتله
مرضده باشلادی اجرای حکمه شدله
هکیم کلوب باقیور هر صباح، نهایت بر
کلیشه کیزلیجه: بیچاره یک امیدسزدر
دینجه محو و تباہ اولدی زبده آمال
اوکوندی دوشدی یره بر نهال استقبال
فاتح درساملرندن
قونیه‌لی: ع. عاطف

اجتماعیات

— اسلام قادینلری —

«مودا»

دور سابقده مظلم برجهالت ایچنده بوغوله‌رق
هر دورلو سیئاته سوق اولسان و تارنجهده حیثیله
شفقتلریله، حتی شجاعتلریله بدیه‌لر، خارق‌لر کوسترمش
بولنان او بیوک و شانلی اسلام قادینلریک بوکونکی
اولادی، جهانک حرمتیه بحق مظهر اولسی ایجاب
ایدن نسوان مسلمه، بو مرتبه جهل‌لرینه رغماً قیمت
افضلین اولیلرینی ذره قدر ضایع ایتدیلر.
بو عمان ظلمتده انجیق مشکات نوری ایله فکر
وقلمیزی تنور ایدن دین مبین، بالجه ادیانک، جمعیت
مدنیته‌ک فوقنده امتیازلر بخش ایدن، حتی اک اوفاق
هوسلرمزی بیله تطمین قدر دوشونان دیانت اسلامیه،
بوسائق علوی بوکون مقدس وطنک، بوسینه‌سی مجروح
معزز مادرک جریحه‌لرندن برازینک قادینلره خاص
شفقت و فداکاری ایله تدایسینی بالجه قادینلرمزه امر
ایدیور.
بومقدس وظیفه اوغورنده دین و ناموسندن غیری
هرشی، اگر ایجاب ایدرسه معزز حیاتی بیله فدایه
حاضر اولیان بر اسلام قادینی تصور و خولیا ایدیلر.
بویله تصورده بولنمق انصافسزلق و حتی دینه‌بیلورکه
آچیق و عظیم بر بهتان اولور.
ایمدی بویله متین، متین اولدینی قدر مسعود اخلاق
عالیه اسلامیه ایله متصف اسلام قادینلرنده مودا پرستک،
زینت مجلوبیتی کبی علت عارضه هیچ بروقتده باخصوص
وطنه قارشو ابراز حمیت کبی شایان تجلیل و افتخار بر
وظیفه قارشوسنده اصلاً توسع ایدوب مزمن حالنه‌کله‌م
و کله‌ماملیدر.
شو سطرلری یازمقدن مقصدمک نسوان مسلمه‌ک

بیان الحق

بده یک چوقلریله تعاطی افکار ایتشزدر.
انلرک اقتضایه مجبور اولدقلری مودا مراسمک بادی
اوله‌جفی مصارف زقاقلق، سوواره‌لق کبی برقاچ قات
البسه بدلی اولوبده اندن بیله اشتکا ایدن نسوان
مرقومه‌ک شو شکایتلرینه مقابل بزم بوبابده زقاقلق،
دوکونلک، بایراملق و سائر ناملریله اختیار ایلدیکمز
اسرافات جدّاً افشار دفته آلفغه جديردر.
هله بر دوکونده کیدیکمز البسه‌ی بردها بشقه
بر دوکونده دکل آ بعد ازیں هیچ بر یرده کیه‌مامک
خصوصنده کی افکار ناهموارک نه قدر بی سود اولدینی
درکار اولدیفندن اول باول بوکی فکردن واز کچملی بز.
*
بر طرفنده دیکش، بیجم خصوصنده قادینلرمزک
یکده برمزک انحق الدن برشی کله بیلدیکنی مع‌الحجاب
اعتراف ایدرسه‌ک البسه‌لرمز - و حتی یک چوق قادینلرک
ایچ چاشورلری - ایچون ویرمکه اولدیفمز بیجم دیکش
پارهنسک نه مقداره بالغ اولدیفنه تقدیر ایتش اولورز.
قادینلرمزک یالکز اشبو البسه یوزندن اختیار
ایتدقلری اسرافاته مقابل ارککلرمزک قازاندقلری دوشو-
نیلور و دور سابقده بمضرنجه قولایجه قزانلمش پاره‌لرک
بوکون قزانیه‌مایه‌جفی تخطر اولنور ایسه امت اسلام-
میه‌ک یالکز قادینلری یوزندن نه کبی بر کر بویه
دوشمکه اولدینی اکلامق قولابدر.
برقاچ سنه اول مطالعه‌کذارم اولان فرانسر غزته-
لرندن برنده نفس پارسده یالکز ترزی پاره‌سی اوله‌رق
میلونلرجه فرانک فرانسلرک کیسه‌سندن چقمقده
اولدینی ایستاستیق صورتنده میدانه قویه‌رق بو قدر
اسرافانه قارشو قیامتله قوبارلدینی اوقومش و برده
فرانسزلره نسبتله بزم ثروت ملیه‌مزی دوشونمده‌م قانلر
آغلامش ایدم.
ایمدی قلبنده ذره قدر محبت و غیرت وطنیه بولنان
قادینلرمزک معروضاتی درپیش نظر دقت و مطالعه

فکر ترزیدن واز کچملرینی علی‌العمیا توصیه‌دن عبارت
اولدینی ظن ایتک خطادر.
دنیا‌ده هر هانکی ملتدن و هانکی دینه‌م‌سوب
اولور ایسه اولسون حتی وحشیلر نزدنده بیله هیچ بر
قادینک فکر ترزیدن عاری اوله‌رق طوغمش بولندیغنه
اینانمق صاف دلک اولور. بناءً علیه نسوان مسلمه‌ک
اشبو حس طبعیدن نجر ایتلرینی تمی ایتمکه اومرنبده
ساده دلک کوسترمکدر.
انجیق ملکمزده حاصل اولیان، کندی اللرمزله
ایشله‌نوب طوقونمیان اشیا ایله ترزی بودور حریت،
بو دور تشبث شخصیتده‌کندیمزه شان دکل شین‌عد ایتک
لازم کلیر.
اتحاد ایدوب هر شینه و هر محرومیه شمدیلک
قانلانم‌جفز، معمولاتمز آرسنده اوروپا منسوجاتنه
قائق اشیا بوله‌ماز ایسه‌کده حمیه و حتی بر پارچه‌ده
اقتصاداً معمولات موجوده‌مز اک قبا شیلر اولسه‌ده
ملی اولمق اعتباریه هیچ صیقلیه‌رق، صیقله‌مقدن بشقه
افتخار بیله ایدرک قبول و استعمال ایلرک‌جکمز. بوبابده
طانشدقلرمزله قطعی سوز ویرمشدزدر.
بزدن ثبات و متانت، عائله‌لری اوغورنده هر فدا-
کارانی اجرادن چکنمیان ارککلرمزنده همت و غیرت
انتظار اولنور.
بز برمدته قدر بوله‌بیله‌جکمز کی‌مک فداکارلغنده
بولنه‌جغمزه مقابل ارککلرمزنده بزه اوروپا اقشه‌سنه
معادل منسوجات یتشدیرمک امرنده سی و غیرت
ایدرک فابریقه‌لر تأسیس و کشاد ایلملری لازمدر.
*
بزی اک زیاده خراب ایدن مسئله مودادر.
ملت عثمانیه‌ک نسوان غیر مسلمه‌نی سوبله‌ده‌جک
اولورسه‌ق آله‌جغمز جواب حقده عادتاً بلای مبرم
اولان بو مودا یوزندن دوچار اولدقلری صیقله‌دی‌بی
خلوص قلبه اعتراف ایدرلر.

ایدرک بخت هم افکار اوله جقیرینه امنیت برکادر .
حاجه فاطمه مرغوبه

سیاسیات

شرق بحرانی و اسباب حقیقیه سی

تأیس غزیه سی بخر مخصوصک اوج قطعه مکتوبندن مترجمدر
— برنجی مکتوبک مابعدی —

سینور یتونی دخی (ده زیو) ده آوستریا و مجارستان
خارجیه ناظریه وقوع بولان ملاقاتدن عین فکر ایله
آبرلینی مجزومدر . الحاقی کتبی بارون فون نورتالک
دهله غایبون مجلسنده وقوع بوله جق سیانای ایچون عالم
سیاسیده بر فرصت استحصالنه دکن تابع ایلماش اواسه
ایندی هیچ شبهه بوقد که (بوشلائو) و (ده زیو) ده کی
ملاقاتلرده حاصل ایتک ایستدیک سوهمامک دعوت
ایلدیکی اغبرارلره محل براغلماش اولوردی . فرانسه ،
انگلتره جق دولت علیه نک هیچ برزمان موضوع بحث
ایدلین بو حادثاتدن اولجه معلوماتلری یوق ایدی . بو
ایشده قبل الوقوع معلوماتی بولندیغندن بر درجهیه قدر
شبهه ایدلین دولت وارسه اوده آلمانیدر .

استحصال ایلدیکم معلومات صحیحیه نظر آوستریا
ولی عهدی آرشدوق فرانز فردیناند آلمانیا اردولرینک
صوک مانورلرنده حاضر بولندی صرمد صرب اتحاد
قومته سی انترقه لرله بوسنه وهرسک ولایتلرنده حصوله
کتیریلن احوالک محافظه اولنه مایه جق بر درجهیه کلدیکی
آلمانیا ایمپراطورینه بیان وبونک اوزرینه ینهماده طول
مدت مذاکرات جریان ایتمشدر . فقط آلمانیایه پرا
طورینک ذکاوت و بصیرت مسلمنه منی بو شکایت
نتایجک نه اوله جق کشف ایتسی کندیلرنجه سهل اولمسه
وبوملاقات و مذاکرات متعاقب آلمانیایه خارجیه ناظر

بیان الحاق

موسیو فون شونک (برختسگادن) ده بارون فون نه
رنتال ایله کورشدیکی معلوم بولمسه رغماً بوسنه وهرسک
الحقک ضروری الوقوع وبلغارستان اعلان استقلالی
مقرر بولندیغه دائر آلمانیا ایمپراطوریه خارجیه نظارتنه
صورت مخصوصده معلومات ویرله مش اولسی احتمال که
مصحح اولدیلر . کذلک آلمانیاک بالاخره اتخاذ ایلد
یکی خط وحرکتدن کرچه آلمانیا و آوستریا دولترلی
یننده موجود معاهده موجبجه آلمانیاک بلاقید وشرط
آوستریایه معاونت فعایه ده بولمسی ضروری اولمسه
برابر آوستریاک هر حال وکارده آلمانیاک معاونتی طلب
ایچون اولجه مراجعت ایلدیکی ده کمال امنیتله استدلال
اوانه بیلمکده در . بویکی وقعه تجاوزکارانه احاطه ایدن
سر بونکون مدافعه اولنه مایه جق درجهده مکشفودر .
بلغارلر حسابنه بحث اولنق لازم کلسه کشف حادثه سی
دولت علیه حقنده بیان شکایت ایلملرینه بروسیه
دیمک اولمسه و بونی ده آوستریالیرک تخفیف ایدمیه .
چکلی قبول ایلمسه رغماً بلغارلرک حرکت واقعه لرینی
تخفیف ایچون جوق سوز صرف ایتمه مشلدر .

بوسنه وهرسکلیر قانون اساسی اهدا ایدمیلک
مطالعه سیله مملکتلرینک آوستریایه الحاقی لازم کلش
اولدیغی و صرب اتحاد قومته سنک بوسنه وهرسکده
دوام ایدن تحریکاندن آوستریالیرک بیزار اولدقلری
و شمدی یه قدر برلین معاهده سنه وضع امضا ایدن
دولتله ایصال شکایات اولندی حالد الحاق کلسنک
بو حسیاته ترهان اولدینی و حقوق حکمداری عثمانیه
کرچه اوتوز سنه قدر تأثیرسنز براغلمش ایسه ده
حقوق مذکورنک برلین معاهده نامه سیله آوستریا
و مجارستانه اعطا اولنان حقوقدن صورت قطعیده
اخراج اولندی جهته محافظه اولندی و یکی بازار
سجاعتک تخفیه سی دولت علیه ایله آوستریا و مجارستان
یننده کی مخالفت حقیقیه نک برنشانه علنیه سی و آوستریاک
دولت مذکوریه قارشی ابراز ایلدیکی جیله سخاوتکاری

بیان الحاق

اولق لازم کلدیکی ویا نه ده بیان و بویوله سرد اعدار
ایدنلرله بالطبع کوریشلوب قونوشیله من . یالکدر بوقدر
سفسطه میانده شایان قبول بر دلیل وارسه اوده تحول
واقعت حقیقی و صرف برنامه عا داولمسی اولوب بونکله
دولت علیه نک ماده برشی غائب ایتما سیدر . فقط بوسورت
مطالعه قبول اولمسه بیله آوستریاک بویله آروپا مسالمت
عمومیه سی دوجار تهلکه ایدمک صورتده واقع اولان
حرکت تجاوزکارانه سی هیچ برصورتله معذور
کوریه من . حادثات مذکور اسبابی میانده الک زیاده
حقیقته قریب اولانی بارون فون نورتالک نظریه سیدر .
بونظریه موجبجه حادثه واقعه مومی الهک کچن صوک
بهارده یکی بازار شمدنوفر خطنک انشائی تکلیفی
اورتهیه آتمه غائب ایتش اولدینی شرفک اعاده سنی
استحصال ایتک املنه دوشمندن ولی عهد آرشدوق
فرانز فردیناندک آوستریا تختنه جالس اولمدهن بوالحاق
کیفیتنک امر واقع شکلی آلمسی کندوسنه توصیه
ایتش اولمندن و آوستریا ایمپراطوری فرانسوا روزنک
دخی آروپا احوال حادثه سیاسی سنک بومقصدی حین
فعله چیقارمغه برمانع اولمدیغه دائر کندوسنه تأمینات
ویرمش بولمندن ایلر وکلشدر .

آوستریا سیاسیونی بوایشده الک مهم نقاطی مع التأسف
نظر دقت واعتایه آله مامشدر . بونلر غربی آروپاده
وعلی الخصوص انگلتره در سعادته استحصال اولنان
اداره جدید لهنده حسیات قویه حصولی وروسیه ده
اسیای شرقینک سرگذشتی میدانلرندن آروپا یه
عودت ایدن اسلاو افکار و حسیاتنک یکیدن انکشاف
وبروز ایتسی بر معاهده بین المللک آروپا حکمدارانی
میاننده بالحاحه صلح پرور اولمسه مشهور و متعارف
اولان بری نامه نقض ایدلسنک افکار عمومیه ده سوء
تأثیرات حاصل ایلمسی کی اسبابدر .

اسباب مذکور تاثیریه فرانسه انگلتره وایتالیایه
وروسیه و حتی براز خفیف مقیاسده اولنق اوزره

آلمانیانک بعض صنوفنده اظهار اولنان آثار غیظ
واغبرار آوستریا بلغارستان تجاوزینک برعکس تأثیری
اولنق اوزره کربدک یونانستانه انتحاقی اعلان
ایلمسی وقره طاغک برلین معاهده نامه سیله کندوسی
ایچون تحذید اولنان بعض قیودی کسر ایله آنک
خارجنده اجرایه تشبث ایدم بیله جکی و صربستان ایله
بالا اتحاد بوسنه وهرسک قطع لرینک اکثریت نفوسی
تشکیل ایدن صرب قومنک منافعنی مدافعه اتویشانه
قیام ایلمسی تأثیراتیلله قات دهها اشتداد وازدید
بولشدر .

زبده سیاسی

آروپا احوال سیاسی سنک اون یش کوندن بری
کوستردیکی رنک و شکل ، الهی سنه در حکومت عثمانیه نک
ایستریا ایستمز تابع اولدینی جریانلردن قورتلش ، مهم
برقطه سیاسییه واصل اولمش اولدیغی کوستریور
بو کاسبب مملکت مزده مشروطیت اداره نک اعلان
وتأسیسیدر . بوندن اول روم ایلی ، بالحاحه ماکدونیا
سنه لردن بری بر آتش اغتشاش ایچنده قالمش ایدی .
اتفاق مثلک عقیده آلمانیایه ابتدا آوستریایه صادوده
مهم برسله تأدیب اوردقندن صکره آوستریایی عاذنا
صیانقنه آلمش ایدی . آلمانلر ، اوکده آوستریا پیشدار
قولنی تشکیل ایلدیکی حالد جنوبه طوغری مهم بر آئینه
حاضر لشمش ایدی . برلین معاهده سی صرمد سنه
آوستریانک موقتاً بوسنه وهرسکی اشغال ایلمی ده بواقبتک
بدایتی تشکیل ایدیوردی .

آوستریا او وقتدن بری ماکدونیا ده مختلف عناصر
ایله ، بالحاحه رهبان طاقیله اجرای تأثیراندن قلمدی .
بویله ده ماکدونیاک عناصر مختلفه سی دائما بری بریله
مجادله حالنده بولندی ررق کونک برنده سلاویک طوغرو

خادم شکل اداره اعاده ازلته بیلجک، آوستریا بوسنه وهرسکی قازانمش اولقله برابر ما کدونیاده کی نفوذی ده تقویه ایلجه جکدی. فقط بویله اولدی. عثمانیلر سکون واعتدالی الدن براقیدی. معلوم اولدینی اوزره بویکی مسئله ک بین الممال بر قونفرانسده حلنی و برلین معاهده سنک تصحیحنی اوروپا دن استدی.

قونفرانسک پروگرامنی دول معظمیه تکلیف ایتدی. بوراده موضوع بحث ایدیلجه جک مسئله لر حقنده اولجه ائتلاف ظهوری قونفرانسدن بر نتیجه استحصاله مدار اولجه ایچون بلغارستانک درسعاده کوندردیکی مأموریه مأمورین عثمانیه مذاکراته کیرشدی. آوستریا سفیرینک ده باب عالی نزدنده عین مقصدله باشلایان مذاکراته دوام ایدیلهدی. چونکه آوستریانک حق شکنانه معامله سندن قبلری قیرلش اولان عثمانیلر آوستریا امتعه سنه قارشو شدتلی بر مقاطعه قیو آچمشلر، بوندیرده حیتمندانہ ثبات کوسترمشلدرد. ابتداری آوستریا بوندن غیر متأثر کورینیرکن صکره ایشک اهمیتی آرتدی. آوستریا سفیری باب عالی نزدنده مقاطعه قیو ختام ویرلمسنی طلب ایتدیکی کبی ائتلاف حصوانی و قونفرانسه دخوانی ده بوشرطه تعلیق ایتدی. بویله جه عثمانیلره قارشو جبراً مالی صامتق یولنده حقسنر بر معامله ده قیام ایلدی.

بوسنه وهرسکک الحاقی اوزرینه اوراده بولنان اسلاو عنصرینک آلمانلاشدیرلمسنه وجنوبه طوغرو آلمانلرک کسب قوت ایتمسنه صربستان ایلله قره طاغ نظر بیقیدی ایلله باقمهدی. هیجانلر حاصل اولدی. آوستریا خارجیه ناظرینک پولتیقه سی اسلاو عنصرینه قارشوده بر بیوک ضربه مقامنده کوردی. بو نقطه نظره روسیه افکار عمومی ده اشراک ایلدی...

بالقائردده آوستریا قارشو حرکتلرند صربستان ایلله قره طاغ حکومتلری حکومت عثمانیه نی ده تشریک ایتک ایستیه رک آرده ائتلافلردن واقفیلردن بحث

اولندی. حالبوکه اک زیاده شایان دقت اولان شی آوستریا، بالخاصه آلمان تهاجمه قارشو سد چکک استه بن روسیه ایلله حکومت عثمانیه نک منفعلری تقابل ایتسی ایدی. روسیه غزته لرینک اک مهملرندن بری اولان «نوویه ورمه» بوسنه وهرسکک عثمانیلرله و سیر آرمهنده برائتلاف ویا اتحادی ایجاب ایشدیره جک صورتده ظهور ایدن وقوعات اخیریه، منافع متقابله نی ایضاح ایتدی. بویله جه روسیه نک دوست و متفق بولان و حکومت عثمانیه یه پک متایل اولان انکلتزه ایلله فرانسه نک ده دوستلغنی تأمین ایتک عثمانیلر ایچون ده قابل اوله جقدی. ایشته بو صورتله حکومت عثمانیه روسیه قارشو سنه لردن بری بولنامش اولدینی بر موضع و موقع سیاسیده بولندی.

شاید روسیه حکومتی، بو آرائق حربیه کیرشمک احتمالی اولدیلرندن آوستریا ایلله اوزلاشیرسه او زمان بالقائلر و حکومت عثمانیه ایچون شایان ناملدر.

هنوز بلغارستان ایلله دوام ایتمکده اولان مذاکرات ائتلافیه دوام ایدلمکله برابر آوستریانک بویقوتلاردن طولانی عادتاً تهدیداتنه ومثلاً آوستریا مطبوعاتنک «شاید عثمانیلر مقاطعه ده ثبات ایلله ماللریجری آلمانلرله مملکتلری داخلنده اغتشاش وغائله چیقمق کبی تهلکله معروض قالیرلر.» زمیننده مملکت مزده نأثره فسادک اشغال ایدیلجه جکته دائر پک چرکین بیاناتنه رغمأ حکومت عثمانیه آوستریا ایلله مناسبات حسنه نه خلل ویرمه مکده، آوستریا سفیرینک درسعادتن مفارقتی ده بر مأذونیت صورتندن اوله جتی سویلمکده در. آوستریا غزته لرینک عثمانی لیمانلرند مال چیقارمه میان آوستریا واپورلرینه بر زرهلی ترفیق اولنه بیلجه جکی یولنده کی تهدیدی حد معروفک تجاوز ایدیلدیکی کوستریور. بوکا مقابل انکلیزلردن انکلیز زرهیلرینک بونلره مقابله ایلجه جکی خبری ورود ایدور.

بوکی احوال ایلله برابر انکلتزه خارجیه ناظری سیر ادوارد غره ی اخیراً ایراد ایلمش اولدینی مهم

برنطق سیاسیده اوروپا اختلافات دولیه سنک ائتلافه طوغرو بر تبدل اظهار ایتمه سی وشدتلمه سی صالح ومسلک ایچون بادئ تهلکله اوله جتی ایما ایتش، آرتق انتریقه پولتیقه سندن واز کچلوب حسن نیتله حرکت ایدلمسنی توصیه یولنده اداره کلام ایلمشدر. بوسنه وهرسکک وبلغارستان مسئله لرینک تحدشدن بحقی صره سنده: ثانی ایلله حرکت ایتک موافق، سکون واعتدال محافظه صلحه مدار ایشه اوروپا سیاسیات حاضره سی آرتق غائب ایده جک بر دقیقه بولندیلغنی کوستردیکی ده سویلمشدر. سیر ادوارد غره یه نک لفظی عثمانی سیاسیونی ایچون شو صره ده بر درس تشکیل ایده جک صورتده در.

فرانسه خارجیه ناظری موسیو پیشوند اخیراً فرانسه پارلمنتوسنده مسائل شرقیه حقنده ایضاحات ویردک آوستریانک کرک حکومت عثمانیه وکرک سائر بالقان حکومتلریله ائتلافی ممکن اوله بیلجه جکته دائر نیکیانانه مطالعات در میان ایدور. وقوعات اخیریه خلاصه ذکر ایلور. مع مافیه موسیو پیشونک طرز کلامی همان عموم اوروپا مطبوعاتنک بیاناتیله هم آهنگ دوشمیور. چونکه آلمانیا امپراطورینک نشر اولنان بیاناتی اوزرینه امپراطورک شخصی پولتیقه سنه وکبی اداره سنه سد چکک اوزره آلمانیا ده وقوع بولان حرکات، آوستریا ایلله ایتالیا آرمهنده، ایتالیانک حدود بونی تقویه وتحکیمه لزوم کوره جکی درجه ده، جاری اولان مناسبات آرتق اتفاق مثلاً ده اوروپا ده نه قدر قوتی حائز بولندیلغنی کوسترمکده در. والحاصل اوروپا احوال عمومی سیاسیه سی پک زیاده شایان دقت بر صفحه کوسترمکده اولوب عثمانی سیاسیونی ایچون بلکه یوز سنه ده بر تصادف ایتمین فرصت کورلمکده ووفرستلرک قوتی ایشه زمامداران اداره نی عثمانی تاریخنده پک آغیر یوکلر آلتسده براقه جتی، پک یازیق اوله جتی اکلا- شلمقده در.

طلبة علومك قرعه امتحانلری

دور استبدادك تحصیل مدارسہ ایندر دیکى ضربہ لردن بری و بلکه الک مهمی اون الی سندنبری قرعه امتحانلربنك اجرا ایدلامسی کیفیتدر . امتحانلربك لغوی کیفیتك تحصیل مدارسہ ایقع ایتدیکی ضرری ، امتحانلربك نصل بر حیات تحصیل اولدینی بیلنلر تقدیر ایدر . سیأت سابقہ نتیجہسی اولان بتون احوال غیر لائقهك دائرہ انتظامہ آلمسنہ باشلانلدینی شو صرہده بالطبع قرعه امتحانلربنك اجرا اولنمسیده تقرر ایتش و حربیہ نظارتی طرفدن برامتحان جدولی ترتیب ایدیلرک اولوجهله طلبة علومك امتحانلربنہ مباشرت اولنمسی باب مشیخته بیلدیرلمشدر . استخبارات موثوقہ منہ نظراً حربیہ نظارتك ترتیب ایتدیکی امتحان جدولی بروجہ آیدر .

برنجی سنہ : امثلہ ، بنا ، مقصود ، تحفہ ، آطہلی ، حاجی ، ثلث و نسخ ، قرائت ترکیہ ، تعداد و ترقیم .

ایکنجی سنہ : جامی ، ملتی ، معنی الطلاب ، رقعه و تعلیق ، قرائت ترکیہ و مال ، اعمال اربعمہ .

اوجنجی سنہ : جامی مع حوائی ، مرآت ، فناری و تصورات ، مختصر آسمانی ، رقعه و تعلیق ، مختصر قواعد عثمانیہ ، اعمال اربعمہ ، تاریخ انبیاء .

دردنجی سنہ : مرآت ، تصورات ، مفصلاً معانی ، عقائد نسبی ، رقعه و تعلیق ، قواعد عثمانیہ و کتابت ، کسر عادی ، تاریخ اسلام .

بشنجی سنہ : مرآت ، تصدیقات ، جلال ، رقعه و تعلیق ، کتابت ، کسر اعشاری ، مختصر علم احوال الارض ، تاریخ عمومی ، عربیہ کتابت .

آلتنجی سنہ : تصدیقات ، جلال ، رقعه و تعلیق ، مکمل کتابت و انشاء ، نسبت و تناسب مختصر عام احوال الارض ، تاریخ عثمانی ، عربیہ کتابت و انشاء ، مختصر قواعد فارسیہ .

حربیہ نظارتك بوامتحان جدولی باب مشیخته بروجہ آتی تعدیل ایدیلرک قبولی ضمنندہ حربیہ نظارتیلہ مخبرات جریان ایلماکده بولندینی دخی استخبارات متممہ مزدندر .

برنجی سنہ : بناء و مقصود ، مکاتباتی درجہ سندنہ امثلہ مختلفہ و مطردہ تصریقاتی ، عوامل ، اوج سطر یازی ، قولایجہ برعبارہ اوزربنہ قرائت ترکیہ ، وضوء ، غسل ، تیم ، ارکان صلات ، تعداد و ترقیم .

ایکنجی سنہ : اقسام سبعہ و معتلادن تصریف و اعلال و اذغام تطبیقاتی ، عوامل ، اوج سطر یازی ، قولایجہ برعبارہ اوزربنہ قرائت ترکیہ ، وضوء ، غسل ، تیم ، ارکان صلات ، تعداد و ترقیم .

اوجنجی سنہ : اظهاردن عبارہ ، معنی ، مفهوم و تحلیل عبارہ ، فنارینك تصورات طرفی یعنی کلیات خمس و تعریفات بختلری ، ترکیہ سادہ بر مکتوب تحریری ، حلیندن صلوات و قیہ و عید و جمہ مسائل ، اعمال اربعمہ دن جمع و طرح .

دردنجی سنہ : کافیہ و جامیدن عبارہ ، معنی ، مفهوم و تحلیل عبارہ ، فنارینك تصدیقات طرفی یعنی قضایا و قیاس بختلری ، ترکیہ وسط درجہده بر مکتوب ایلہ علم و خبر و سندات عادیہ کی محررات رسمیه ، ملتقادن صوم و سفر و حج بختلری ، اعمال اربعمہ دن ضرب و تقسیم .

بشنجی سنہ : قطبیدن تعریفات و قضایا بختلری ، ملتقادن نکاح و طلاق مسائل ، عقائد ، انشاء و کتابت و اعمال اربعمہ اوزربنہ مسائل

آلتنجی سنہ : قطبیدن قیاس بحثی ، ملتقادن ہبہ و شرکت مسائل ، عقائد ، انشاء و کتابت و اعمال اربعمہ اوزربنہ مسائل

ہرایکی جدول حقندہ مطالعات مخصوصہ من کلہ جک نسخہ مزدہ درمیان ایدیلہ جکدر .

۷ نسخہ مزدہ کی ایکنجی سؤالہ دائر طشرہ واستانبولدن خلیجہ جواب وارد اولدی .

ایچلرندہ قوالہده مدرسہ خیریہ مدرس اولی دبرہلی سلیمان افندیك عربی العبارة قلمہ آلدینی رسالہ مستقلہ بالخاصہ شایان تقدیر اولوب مکافاتہ مستحق اولمشد .

رسالہ مذکورہك بالترجہ نشرینی ارزو ایتدك ایسہده غزہ منک حجمیلہ متناسب اولمیدنن بالاخرہ (بیان الحق) رسائی میانندہ طبع و نشرینی دها مناسب کوردك . یالکز رسالہ مذکورہده قیاس خلفی عند الاصولین ہیئك دلیلدن جزء اولماسی قاعدہ سندن استنباط ایدلش و فخر العلماء العثمانيہ شمس الدین فناری حضرتلربنك فصول بدایینك منطق قسمنندہ (بحث شریف) عنوانی آلتندہ قیاس خلفی تقریرندہ کی مذاہب ثلثہ کورلماش اولمفلہ تقریر منطقیدن قورتاریلہ مامش و برده مواد قضیہ اولان قیود جہات قضیہ مذکورہك بخصوصا وصف موضوعی اعتباریلہ تصویر ایدلیوب لادائما بحسب الذات افادہ مشورہ و مجملہ سلیلہ اکتفا اولنمشدر .

معامخانہ نواب طابہ سندن اسعدافندی ایلہ قوالہده ابراہیم پاشا جامع شریفی بخاری شیخی بہجت افندی تعمیق فکر ایتماکده براز مسامحہ کوسترمسہ ایشلر دها دقیق تطبیقاتدہ بولنہ بیلہ جککری استدلال اولیوب ایلک ہمتك طشرہ علما سندن مشہود اولدینی باعث مباحاتدر .

سؤال مذکورك حلی علی وجہ الاختصار بروجہ آیدر :

طالب العلم افضل من المجاہدین فی سبیل اللہ اضافت استغراقہ و یا جنس مشہورہ حمل اولنمق و جوہاً جائز اولہ میہ جفی معلوم بولنسنہ نظراً قضیہك کلیہ و یا طبیعہ اولہ میہ جفی آشکاردر . معہوددہ یوقدر . شرحا ظاہری و جہلہ جنس غیر مشہورہ حمل اولنہرق قضیہ مہملہ مطلقہ اولور . دیمک کہ مفهوم قضیہ (طالب

علم صفتیلہ متصف اولان افراد برر برر دکل بحسب الجنس مجاہد فی سبیل اللہ من افضلدر . یعنی طالب علم جندی ایچندہ اولہ افراد واردرکہ نزد الہیدہ کی ثواب و منزلتجہ فی سبیل اللہ مجاہدین افرادی میانندہ مثلی یوقدر . فقط بوافراد علی حدہ علی حدہ معلوم اولہ میہ جفتدن مزیتی جسنہ شرف بخش اولور) معناسندن عبارتدر . جنس طالب علمك مدار فضلیتی اولان افراد مہملہ بروصف ممتاز ایلہ تقیید اولنہ بیایرسہ قضیہ مطلقہ کلیہ صورتہ افراغ اولنور . نفس قضیہده ایسہ بوکا قرینہ یوقدر . کرچہ مجہولہ بر فی سبیل اللہ قیدی واریسہده بونک موضوعہده معتبر اولسنہ دائر علم نحو و علم دعائیدہ بر قاعدہ من یوقدر .

قرینہ مقالیہ بولننجنہ حال و حکم شرع نظر اعتبارہ آلنیر .

اغراض نفسانیہ و آمال دنیویہ دن طولانی طلب علمك مذہبومتی حقندہ کی احکام شرعیہ و بالخاصہ (انما الاعمال بالنیات) حدیث شریفہ مراجعت ایدیلنجنہ (طالب العلم فی سبیل اللہ) دیمک اولدینی آکلاشیلیر .

(سلوا علماً نافعاً الخ) مآلندہ کی احادیث شریفہ دلائیلہ مضاف الیہدہ علم نافع ایلہ تقیید لازم کی کورینورسہده علمك ضرری من حیث ہوہو اولیوب اضافی اولدینی جہتلہ بوقیدہ لزوم قطعی حس ایدلر . و (هل یستوی الذین یعلمون والذین لا یعلمون) نظم مجیدینك حذف مفعول اعتباریلہ حاوی اولدینی نکتہ معانیہده بواطلاقہ دلالت ایدر . بناء علیہ قضیہ بر کرہ (کل طالب العلم فی سبیل اللہ افضل من المجاہدین فی سبیل اللہ) صورتہ راجع اولور .

فی سبیل اللہ قیدی استحصالاً لوراثۃ النبوة واستحفاظاً لاسرار الشریعہ کی تفسیرات ایلہده ایضاح ایدیلہ بیلیر . قضیہ کلیہده اولسہ کرچہ مطلقہ اولدی . فقط معانی افضلیت عند اللہ ثواب و منزلتہ از بدیت اولدینی معلوم بولنسنہ نظراً طالب علم فعلنك بر حسنی حاوی

سوق اولئدینی قطعه نظردن هیئت وحدانیه سیله بر
دلیل اولق اوزره اسلوب افاده سی بوزولمیه رق قیاس
منطقی ایله تقریری دلیل مذکورک تدقیق فاسفیدی
قطعه نظردن موقوف علیهی اولان علملرک بیانی ایله نصک
جهت دالالتی بیان .

— ۲ —

قال الحجاج لامرانی کله فوجده فصیحا کیف ترک
الناس ورائه فقال ترکتم اصلح الله الامیر حین تفرقوا
فی الفیطان واخذوا النیران وتشکک النساء وعرض الشاء
ومات الکلب فقال الحجاج لجلسائه اخصبا نعت ام جدبا
قالوا بله جدبا قال بل خصبا .

امرایینک شوسوزی حجاجک فکرینه کوره فصل
حل اولنور ، جلساسنک رأینه کوره فصل ؟
برنجی سؤالی الی ائی حل ایدنه برسنهک ایکنجی بی
حل ایدنه الی آیلق آتونه مکافات وعدایدیوروز . برنجی
سؤالک مدتی اوج هفته وایکنجینک ایکی هفته در .

رجا

بعض مسائلک استفسارینی حاوی امضاسز اوله رق
اوج ورقه آلهندی . بوکی مسائله وسعمن نسبتده
جواب ویرمک الی بیوک املمز الی برنجی وظیفه مزایسه ده
فتره مزجه اتخاذا اولنان مسلك ایجابی امضاسز ورود
ایدن محررات نظر اعتباره آله میه جقندن بالطبع سؤال لر
وجوابلری نشر ایدیله میه جکدر . بدمما بوکی استفسار
واسیتضاحی حاوی محررات صاحب لری - امضالرینک
نشری آرزولرینه وابسته اولق اوزره - هویتلرینی بزه
طاعتلرینی رجا ایلرز .

فطین

عمود بک مطبعه سی

وبناء علیه اعطای ثوابک جناب حق اوزرینه واجب
اولوب اولمدینی مسئله لرله علم کلامده حین وقبح وعدم
وجوب الاصلح علی الله بحث مشهورینه بالانتقال بر
جهت قضیه تعیین ایدیلرک بوراجه اعتباری لازم کلان
معانی اعتباریله قضیه نک بر موجهه مرکبیه افراغنه یول
بولنور .

اهل سنته کوره بر مقتضای وعدالهی دوام ، معتزله
کوره اعطای ثوابده کی ضرورت نظر اعتباره آله رق
عرفیه خاصه ومشروطه خاصیه راجع اولور .
شو قدر وارک ضرورت وصفیه مدخلیت وصف
اعتبار ایدلرسه هرایکی مذهب مشروطه برلشیر .
مابعدی وار

— — —

یکن هفته ده کی برنجی سؤاله مطلوب مزه موافق جواب
ظهور ایتمدیکندن مدتی بر هفته دها تمديد ایدلشدر .

سؤال لریمز

— ۱ —

سورة الحج ده

وترى الارض هامدة فاذا انزلنا عليها الماء اهتزت وربت
وانبتت من كل زوج بهيج
خطابک جمعدن مفردة التفاتی نکته سی ؟
(ترى) نك افعال قلوبدن اولوب اولماسنده آیت
کریمه جه قرینه بیانی ؟

(هامده) لفظ شریفنک معنای حقیقه بسیله اراده سنه
قرینه مانعه اولوب اولمدینی ؛ باعتبار الوضوح اقسام نظمندن
هانکیلرینه راجع اوله بیله جکی وعبارده و اشارتی ؟
« اهتزت وربت وانبتت من كل زوج » جمله لری نظر
دقته آله رق احتمالاتی ایضاح ایله علم نباتاتک مسائل
اساسیه سنه جهت تعلق اولوب اولمدینی .

شو نظم جلیک امکان بحث حقنده کی استبعاد عقلی بی
ریب وظنوننی ازاله ایچون ادله عقلیه دن بری اوله رق